

瑞昌縣志 卷之二

建置志 城池 壇廟 公廨 試院 附

古者體國經野必詳建置易云王公設險以守其國故卽一邑亦必首重城池所以嚴捍衛也然國之大事戎與祀竝則壇廟次之壇廟既修有以昭對越公廨未建曷以肅觀瞻瑞自南唐立縣以來廨舍屢經兵燹其間因革之故不有可述者與至於寺觀雖金碧交輝似無關於典要而比諸洛陽名園亦足覘一邑之盛衰則又不可得而畧者

城池

舊志曰楚尾重鎮城郭缺然封守之計申畫奚爲

瑞昌縣志 卷之二 建置 城池 一

乎數千百年始謀利建人民宮室比之肺腸城郭既完方全營衛縝密腠理尤恃保障之功焉

瑞昌縣故無城

明正德八年知縣黃源大始築城周圍廣七百餘丈高一丈四尺厚六尺闢門四東安市西歸陽南仙湓北金露

華林桃源盜起源大戒嚴憂守險無據詳於總制陳金始得築之萬世利焉

崇禎間知縣趙三薦增雉堞建朝陽門月城

邑紳余朝相碑記 都門迄州郡皆有表城蓋重門設險之義也瑞邑斗大城止及肩風鶴警聞每憂捍蔽兼以東關門向有戾水法曩議遷改空釜無炊恭遇我趙侯造福瑞民諸所創建殊不藉民間力至於城垣尤所

注念先是舉全城之上徧加雉堞異隅之門移置已方  
煥然頓異疇昔茲復捐金鳩工特造表城於東關外遂  
爲一邑巨觀焉今而後豈獨近山水之清芬固闔城之  
風氣已哉其於設險除戎之勢壯麗有加矣瑞邑永賴  
敬志明德於不朽云趙侯諱三薦號光掄西粵世族  
國朝康熙五十五年積雨水漲三面皆傾知縣郝之芳重  
修

邑貢生但晨記 邑之有城設險以衛人民慎封守也  
而申畫保障之功守令之責重焉城始於明正德八年  
縣尹黃公源大憂桃源盜起無禦請於總制發帑築之  
周圍廣七百餘丈高一丈四尺北枕高岡東南西三面

瑞昌縣志

卷之二

建置  
城池

二

距灤溪大河遶城以爲衛由是設險而守固萬世永賴  
焉康熙丙申霪雨五越月河水泛溢市可行舟平原水  
深數丈城之三面距河者悉爲所嚙西南二面當河衝  
者爲尤甚城基頽崩計若干丈我侯郝公心竊憂之念  
瑞士瘠民貧連年水旱無以爲生當此城池傾壞欲行  
修築大役其何以堪若稍緩不修又何以衛人民慎封  
守乎曉夜以思得一勞永逸之計財不費公帑役不取  
編戶捐俸以爲闔邑倡集邑之父老子弟謂之曰余與  
爾相習久知爾困奚忍以重役勞也但城猶家之牆垣  
牆垣不固則盜賊入矣敗而不完可乎今余以百里之  
司牧作募化之頭陀分文斗粟共襄盛舉焉於是立簿

輸助隨家豐儉或助磚灰或助人力又於聽訟之下審其曲直量爲罰磚以代蒲鞭之責戊戌秋由東迄南百堵皆興高廣堅厚率如其舊計磚石工役之費若干給銀若干命縣尉黃董其事是以財不取之公帑而自足力不出之編戶而自充惟我郝侯之才知全而計謀密動大役而民不勞也蓋創始難而修復更難修復於財足民安之日雖難不難而修復於財匱民困之時則真難也昔在漢史築隄利民召杜相繼而父母竝稱今也黃公肇造於前而郝公踵美於後吾邑居民世世賴之匹休而稱父母不且胥瑞城而竝永也哉

嘉慶元年知縣陸翥鴻重修

瑞昌縣志

卷之二

建置  
城池

三

邑庠袁紹桷記 易曰王公設險以守其國春秋書築八城二十九傳謂慎土功重民力雖時必書城固未可廢也故莒恃其陋君子非之瑞爲九江下邑山陬僻壤城似可緩然北鄰廣濟西接興國籓籬潯陽重爲豫章捍蔽歷任諸公有志未逮我公下車慨然引爲己責今上御極之元年兩廣教匪彼猖聞者心悸於是我公捐俸鳩工大興創建自南門至聖門西皆從底新築自西門至北門東增修之舊東門之傾圮者更長而高大之凡城雉箭臺壯偉堅厚足以保障一方永久無壞登斯城也南望羅湖猶襟帶也北瞻韓嶺若培塿也東仰匡廬外郭臨也西顧蘇亭筆鋒掃也以視齊霸外城三於邢

稱美晉霸外城三於成周無譏者爲何如公之功於是  
大矣噫公以前一年來爲吏獄無冤詞民無異議至屢  
辦兵差不取於民其功已著人耳目澤已洽於人心茲  
復捐廉建城使十餘年之廢壞一旦而新之不誠斯民  
干城之衛哉夫西湖之白隄潯陽之灌城鄭浦之僕射  
陂漢陽之郎官湖皆當年芟舍而不忍忘者故地以人  
傳今者修葺告竣卽謂瑞昌城爲陸公城也可

咸豐壬子年知縣周鳴鹿因城垣年久失修坍塌殆盡并  
護城河道淤塞不通水經南徙慮無繞護時逆匪竄擾  
長沙奉 上憲札飭瑞昌修濬城池春閒卽傳集各鄉  
紳士按糧派費已有成數秋閒購備磚石灰木擇日僦  
瑞昌縣志

卷之二

建置  
城池

四

工肇造四圍城門東曰體仁并門外朝陽門月城石基  
西曰和義正南曰崇禮小南曰景蘇大南曰景元惟北  
門未起名亦未題明年自春徂秋修築東圍牆垣高厚  
丈尺仍舊并大南門外河勢反弓修徙三十餘丈九月  
十八日逆匪竄至工停歲甲寅逆匪據郡城所有磚石  
等料搬運一空工遂廢

城東西南三面踞河灤溪上接清溢凡歸義洪陽之水匯  
於堰山迢遞百數十里自西迤邐而東爲縣治之南河  
成化甲午上流高家港潰故道淤塞城亡重險民且病汲  
參政吳公廷舉檄縣查議源大築城工竣隨具治河方畧  
得築隄障之河復故道

萬曆六年通判葉朝榮署縣事見水勢逼城仍掘高家港引河南徙不繞城者又六七十年

黃士敏記 瑞昌河道舊於蒼城之右折而之左離城半里許迨後浚新河直抵城下復圻而東而故河日淤水遂走新河矣每水溢奔激輒壞民居且病之且水來而復去勢如彎弓其水背矣其風氣不我蓄也於是有議復古河而竟弗能行時桂山葉公判江州丁丑春署邑篆甫下車察民風登蒼城墩望丫髻極目匡廬五老諸山嘆曰瑞良矣民何以乏土何以寡顯也水之靡情故也且爲民患若是遂力主復開古河上其議於太守李公請於司院眾皆難之公獨奮然首任屬耆民陳

瑞昌縣志

卷之二

建置城池

五

袞何世義劉主聖董其事移土積阜以障水口仍疏城東小河遶城南以與河會其規畫如此土役方興覩者皆喜水之日就改觀也未幾公還郡時新令尹吾東梁公至贊成厥美程工計勞民咸子趨財靡帑出越二旬而功畢從而補城址緝民居修廢起墜不遺餘力由是土安其宅水殺其流山與水迎水與山環山澤交而風氣萃意其間必有起者越二年己卯而李汝祥果應焉瑞之父老咸欣欣喜色以爲是役也葉公之謨梁公之烈也不可以無紀因請記於余余謂昔西門豹治十二渠以利民至漢之世民以爲西門君所造久而猶思然則今之河其永繫後人之思乎亦將曰是河也其倡厥

始與終者之所爲也二公之德鑄在人心雖久不磨矣  
國初土寇來攻以河水去城甚遠池濠不深直抵郭郭城  
遂不守

康熙十一年知縣江皋患之集眾議復舊河毅然捐俸爲  
勸民大和會築隄高厚各數十丈障回水勢河復繞城

江皋記 士君子官其地凡地之山川形勢城郭陂隍  
有利於民有裨於土者必經營相度之以盡其善然在  
今日爲此則又難矣方今民力困敝舉一事非絀於時  
勢則撓於眾力往往因循瞻顧坐視其頽敗而莫爲之  
區畫此非有司之責哉灤固瘠邑也民困尤甚余受事  
以來辨其疆域度其地勢有宜興革修舉者時默籌於  
衷不敢咨於眾白於上非因循瞻顧蓋重其意以有待  
焉歲壬子冬邑鄉先生率其諸生耆老請曰侯治灤三  
年與民休息不欲興作擾民意誠善然邑之大事有二  
除議遷學外則修河爲急蓋灤治西北帶山大河繞其  
東水發源洪下諸山奔流數百里與潯壤相接先是河  
之故道自北而西又折而東注環城周而清流映帶帆  
檣雲集居民賴之且表形勝焉次山詩云扁舟到門或  
此意也明萬曆己卯閒有議以嚙城爲患者決新河以  
殺其勢歲久水勢奔潰不可遏舊河淤塞失其故道因  
之地改其形民失其利日就凋敝風俗不張職此之故  
余咨其議復爲之經營相度蓋與予之默籌於衷者若

有合焉是役也可謂眾力不勞上議不紛矣爰擇諸生  
耆老好義急公數人董其事卽日誓於河神清白乃心  
議疏議築各殫其力或謂時絀舉盈艱於竣事然不取  
給閭閻不動支公帑予一人捐俸以倡邑之人共相樂  
輸趨事赴公爭先鼓舞則余向之鄭重以待者非此時  
也哉昔召信臣守南陽日巡視郡中泉源爲民開水利  
郡以殷富生齒日繁余媿非其人亦將藉鄉先生與諸  
生耆老之力以觀厥成焉

江皋開河謠  灤舊有河失其故道居民患之余因邑  
人請復爲疏濬眾志頗協不日告成作開河謠紀輿頌  
也河水深深幾千尺舊繞城根灌阡陌歲久奔流陵谷

瑞昌縣志

卷之二

建置  
城池

七

遷堤崩川竭無遺澤河清卻喜使君來冰壺澄徹無塵  
埃欲引清流匯涸轍千夫荷鍤聲如雷日夕奔馳冒霜  
雪老稚歡騰勢難輟負土甯辭驅石勞褰裳不畏層水  
冽頃刻濤聲改舊觀盈盈一曲臨溪湍夾岸新潮挾雨  
至衝波疑有蛟龍蟠已見漁舟集深港更看賈舶來前  
灘忍憶昨年逢大旱居民出汲泉源斷一滴恩波賴使  
君九天待澤同霄漢頓使河源百里通安瀾遠注何從  
容使君日飲灤溪水坐視公事流泉中君不見四瀆洪  
流多潰決宣房匏子誇神工御府金錢百萬窮補天誰

試濟川功

修河紀蹟附

闔邑公請勒石入志呈 爲賢侯之惠澤最深地方之  
利賴無旣仰祈 上聞勒石入志以獎廉能以垂永久  
事竊惟小民之向慕何私惟賢侯之功德是視功切國  
計民生不得不誦德及千秋萬禩不敢不傳凡建非常  
之偉績應圖永久之昭垂九江五屬瑞邑獨疲僻處荒  
陬民貧土瘠幸逢邑侯江父師任蒞四載恩深百年畱  
心農事田間之溝洫單騎督治加意方土境內之缺畧  
親詣栽培朔望講約進涇樸黜頑梗賞罰並行春秋課  
士較經藝勵廉恥文行兼崇下車革火耗禁私派里役  
之重累盡除征糧立格冊刻限單遞年之輸將最便奉  
行保甲矣族大丁繁者更置門長司其出入已見盜賊  
潛消設法止訟矣深山窮谷中委諭鄉約許以解粉坐  
待刁頑默化衙署自構茅房寸木片竹不問鄉堡供應  
惟市蔬食一絲一粒弗擾民間值旱祈禱出於至誠惻  
怛遇荒賑濟加以矜恤周詳恭遇

欽命大憲宗師大老爺廣勵學宮十三郡之巒序維新文  
教宏開培植風化十二載之恩膏普洽謳歌聿起侯則  
仰體至意肅式令模僉謀師生構修 先聖文廟請詳  
卜吉捐備木石鼎建梓潼高閣經營植基凡有奉行無  
不利邑而利民及所設施必求可大而可久種種惠政  
難以臚誦至成績最著者縣治大河之水發源百里之  
外環繞城郭左迴右轉分注郊原天造地設上可以嚴

守禦下可以滋灌溉大有以利轉輸小有以通貿易唐宋元明以來稱形勝焉厄於明萬厯年間洪水汎濫驟冲新河漸塞故道附郭之膏腴竟爲石田蔭灌無賴臨城之深濠日成荒野守備可憑甚至舟楫不通甚至汲澗罔適官民敝而公私累矣蒙邑侯江父師臨蒞伊始巡視廣咨撫形度勢惜地利之非宜窮源索委知泉流之失利爰諏父老採納芻蕘于去冬月捐俸僱募土工買備椿槎委學遴選諸生分任庶務委捕帶領耆民督率諸工時或召眾指畫時或親臨稽查不避風雨罔分蚤夜植築新堤屹然山立開濬舊河仍還故道引水直入環抱隄陞不取民而用足未踰月而功成由茲以往

瑞昌縣志

卷之二

建置  
城池

又二

守禦仍不設而固灌注復不勞而優公家轉輸自是無牽挽之苦民間貿易安在有竭澤之憂上下利濟允矣有成鄉市風景驟然頓異神人共戴遐邇俱懽某等躬逢惠政共汴宏慈思非梨棗無以昭其德計非金石何以壽其勳感恩欲泣矢報無從建祠頌德恐干新禁幸值纂修通志正表彰治績之時匍叩 轅門冒昧陳控祈鑒小民之縉慕無私良牧之恩勤久著伏乞仁恩下勅採擇事之可傳可法恩之至廣至深刊入志內庶循良之偉績不涇而草野之愛載得遂矣

府正堂江 批瑞令撫字催科盡心盡職本府久已深知據士民公呈益徵愛戴至興復河道便民利農自當入

志併勒石以垂久遠可也呈存案

江防廳尤 批瑞邑江令政聲蜚著士民勒石入志甘棠  
遺風再見今日允如所請仍候 府示行

撫部院董 批瑞邑江令實政愛民呈詞存案

瑞昌縣正堂江示 爲重濬舊河以因地利以益民生事  
照得瑞昌大河故道舊環城周匝清流映帶形勝非常  
故從前人民殷富俗尙敢龐且科甲顯宦代不乏人乃  
於明萬曆己卯年有抱祀憂者慮爲城患決新河以殺  
其勢遂使舊河淤塞地改其形民失其利而人文風俗  
亦大相徑庭矣本縣下車以來久欲爲之興復奈地方  
凋疲難以舉行幸今闔邑紳耆公呈赴縣議爲設法捐

瑞昌縣志

卷之二

建置  
城池

又三

貲並僉其人爲之董事見今擇吉疏築可稱盛舉但事  
易於謀始難於樂成苟董事之人非初終不懈其志彼  
此不設一私疏築必期於永固費用必立一良規捐貲  
無分於多寡鮮有不敗乃公事而艱於告成也今本縣  
設議七條諭令董事耆民人等知悉務宜遵恪各殫心  
力使疏通者不復壅塞新築者屹然堅固不獨功成告  
竣勒爾諸名以垂不朽本縣更爲設立扁額以獎賢勞  
倘有不自愛聲名於中作弊者本縣亦不肯以姑息養  
奸自有三尺之法勉之慎之

計開修河七條

一督工宜勤勤則踴躍急公人無懈志每日黎明畢集

薄暮方回敢有先後指名聲稟以示勸懲庶用力齊而成功易矣

一董事宜公公則忘私每土一工必橫直一丈豎量定八寸毫無寬假每土一工定價三分六釐登列號簿計土十工公同量發不許私相授受致滋扣剋並容冒破庶費不糜而勞無怨矣

一築壩宜堅大堅則土膏甚厚得免傾瀉之憂大則屹然高聳可殺泛濫之勢使水由故道永觀厥成方成盛舉

一濬河宜深廣深則順流而下所築之新隄庶免衝漲廣則淤泥難積所開之河道咸成利濟永無壅塞之虞

瑞昌縣志

卷之二

建置  
城池

又四

虞

一公費宜清除本縣捐俸諸生優免當堂發給外其餘里長樂輸諸名募助亦必設柜一張僉人彙收眼同共折毋許私兌工價並以潮銀塞責使首事者借爲口實致令結算不清反滋朦混

一捐助宜隨力除銀錢投櫃外其餘有好義急公之民無銀錢可輸力能工作不妨願挑土幾工此亦庶民子來之意理合註簿俟河工告竣亦勒名石後以垂不朽

一椿木宜減省築壩堵塞非椿木不能今結現價各堡買備爲費不貲必需登明簿內某堡買木若干共若

干用過若干存若干無令差役侵隱破耗  
以上七條缺一不可仰恪遵毋違

康熙十一年十一月初九日給

瑞昌縣正堂江 爲分理河務事照得修河築壩原係盛  
舉所有各項事件理合分管爲此示諭董事人等知悉  
凡奉分定事件逐一遵行倘敢怠玩偷安本縣不時單  
騎查點不到者生員罰工二十耆民罰工三十斷不從  
寬特示

計開

經收給發生員熊 翥 潘道登

臨河督理生員余鍾麟 熊 翼

瑞昌縣志

卷之二

建置城池

又伍

萬一偉

分督庶務生員潘曙登 張司斗

楊 飛 柯 喬

章 斌 范一綸

潘熊登 何匡相

熊 翹 但啟元

督率河工耆民田同茂 王文元

何運隆 但啟祥

潘勳登 李應果

何明相

經管河工吏書潘之琇

督造護壩鄉約鄧惟登

黃先甲

統率武甯工首黎廣生

康熙十一年十一月

初九

日給

築堤取土買換民間田地數併額米俱載於左

一買南岸貳升胡傑甫合在地市捌坊分一甲價柒錢魁戶

一買南岸貳升胡德合在地市捌坊分三甲價捌錢仲賓戶

一買南岸肆升胡德合在地市捌坊分一甲價捌錢潭戶

一買南岸叁升何許合在王陸鄉分一甲捐助未受價

一將南岸柯喬中茂田捌分叁畝地肆捐助抵換未受地換

一未受價換地何禹功載上地貳壹升畝抵換在王仙鄉五甲李田阿

一將南岸買孫蕪枝蕪上地貳畝柒分抵換

瑞昌縣志

卷之二

建置

又五

又價買柯喬上地貳畝抵換

一將北岸何宏勳上地貳畝抵換

一換北岸高孚遠上地捌分未隄岸土

轉換社學地玖分抵換

一換北岸高匡甫上地貳畝內橫存小隄分未

將價買何禹公上地貳畝抵換

一買北岸高榜上地壹畝價壹兩伍錢

載米貳升陸合在今二鄉九甲高順孫戶

以上係隄旁取土地共壹拾伍畝壹分

後係另買抵換數

一買孫枝蕪上地貳畝貳分價肆兩肆錢抵換軍地

載米伍升柒合貳勺在安泰七甲孫多孫戶

一買柯喬上地肆分中田捌分 抵換田同茂地

上地貳畝貳分 共價叁兩肆錢 抵換軍地

載米壹斗壹合貳勺在今二十甲柯魁戶

一買何禹公上地伍畝 價陸兩內將貳畝抵換高匡

甫貳畝抵換何宏勳壹畝抵換田同茂

載米壹斗叁升伍勺在縣市七甲曹諭戶

一買黃羽天上地壹畝叁分伍釐 價貳兩抵換社學

地載米叁升伍合貳勺在縣市一甲徐婁戶

一換社學地壹畝貳分內將三分換軍地 今將黃羽

以上除條換不認米外凡價買民間田地共載米肆

瑞昌縣志

卷之二

建置 城池

又六

斗玖升壹勺

督工生員余鍾麟等謹

呈議蒙

大父師造福通邑開復舊河植築隄壩委生等督理凡取

土修築除捺換軍民田地不載米外其餘價買民間田

地共載米肆斗玖升壹勺按例合應收入壩米項下分

帶一十三鄉誠恐日久易起胥役洒派之端生等仰承

大父師捐俸捐贖培植地方至意定不畱絲毫遺累民間

今公議在縣市一甲新立一戶高陞將米盡數收入戶

內另自設法完糧已經具稟蒙 恩飭縣市三甲大造

收入高陞戶遵此復議縣市坊一甲新收高陞戶編入

王仙鄉九甲遞年冊內在生員熊翼股下權另設法照則輸納待日後掘工墻內及隄外廢河潮翳着令壩約高善高其儒召募開墾逐年據實開報載入官地項下每歲所收籽粒存完高陞戶內編糧外其餘收儲官倉以備公需庶目前國課不致空懸而異時地力且裨實用乞刊入志內垂之永久俾千秋萬禩咸感大父師臺明德無疆矣謹議

邑庠周士俊等呈爲仰體鴻仁懇昭永久以垂千秋萬禩事瑞治河水不由故道地改其形民失其利蒙大父師捐俸開濬舊河價買民間田地取土修築新隄共載米肆斗玖升壹勺已蒙勅着冊書將米收入高陞戶

瑞昌縣志

卷之二

建置  
城池

又七

編入王仙九甲遞年股下完糧督工諸生權願設法輸納復蒙特恩諭以設法輸納非永久之計准以永免充里外另撥官地租銀給付經管遞年收貯轉完高陞戶內編糧不致時移勢易累民誤國此真經久不易之良法也士俊等仰承至意公同士民採擇北司隙地原載租銀壹兩有奇適可抵完高陞戶內之糧肅具開報乞金筆詳勅存案併刊入志內賦稅項下垂之永久俾通邑赤子子子孫孫共荷明德於不替矣上呈

正堂江批據呈以公完公誠永久良法着經承查明存案每年催租完納併准入賦稅志內

邑紳文德翼記蓋政卽修明勢易弛於賒緩才雖秀

發贏難舉於荒殘此不及量之言非過量之言也余以爲治平之大體民間莫急於水利官守莫崇於城防使灌溉不勻轉輸不近汲澌不適何以爲國矧城雉之外深無五尺之塹廣鮮一丈之隍疲羊可牧又何以備不虞而虞不備哉瑞昌爲邑在萬山之麓而接乎平原雖有河而不爲城用猶無河也桐鄉江公蒞是邑旣於三年豈弟之響朝野具聞矣一日顧士民而愾然曰是河原繞城而不繞城何與前是者詎以葢爾不必固吾圉耶抑以官爲郵雖知之棄而不講耶諸紳士及父老嫻古事者駢請曰河原繞城苦性湍急易泛明宣德閒華容劉公仁宅曾濬之正德閒高家港潰福州黃公源

瑞昌縣志

卷之二

建置  
城池

八

大築隄以障河安故道是時民殷而士且鵠起兩公咸內擢以去守之百有餘禩至萬曆己卯患其勢嚙民居因引之決去向之殷者耗矣鵠起者雌伏矣形家言水不繞城之咎也如興復劉黃故蹟甚善公毅然主之按是河也源於青山一自青山經洪源入烏石一自茗峯入同港匯都源之水出紅羅皆百里而遙至桂螺始合爲大河二十里至漁渡南朝縣城里許竟不顧而東去公周視之曰是不難引也故道未涇塞其口自循而滑滑乎其來矣壬子農隙起工凡三十日而隄成高爲丈者十長爲文者五十八廣爲丈者十三工萬有奇樁槎草蓆板杼皆具新河濬廣七丈深三丈工又七千有奇

皆公捐俸以成之不以一錢釀賦人戶而士民懽呼愆  
患竭蹙不遑豈有私哉知公之大者可以助城闐壇壝  
之營衛小者亦足以便桔槔舟楫之取資而其切者更  
加以科名旌節之徵驗故樂而從公如流水也公賦詩  
志喜以落之紳士從而和之者若而人其有勤於是役  
者若而人爰謬以隄碑記屬余余高曾之壟在都源固  
部下耆老也不敢辭因名樂石以告後人

化紳黃雲師記 桐城江公蒞瑞之三年作河隄引水  
入南濠東下功旣訖邑人士走書蓮谷命黃子以紀其  
事瑞邑三面皆山獨東方坦迤羣流歸往城南面故有  
河發源百數十里由西而南由南而北環繞城始東注

瑞昌縣志

卷之二

建置  
城池

九

今則近在一里外竟望望東逝明堂焦涸潤澤不棲秋  
冬潦縮卽漚麻不可公三年政成巡行之餘地員瞭審  
顧是河可引而厯載因循有西門豹不智之嘆邑人士  
進曰前此之河故道繞城偶汎溢劉公仁宅濬於前黃  
公源大障於後時則戶口滋殖械樸雲蒸蓋百餘年爲  
萬厯己卯一二有力者居近河私憂浸蝕遂倡言水將  
嚙城恐不制於是決之去自時厥後邑里精華日削微  
公言亦願有請也公是其議遂卜吉僦工立植賦事當  
是時歲經大禋物產未復人方皇皇勤寸力而畚築鋤  
鍤之四集皆綜理微密其繁費一不以累民甫三旬功  
畢河流通會泐泐汎汎鳧雁羣唼鱣鮪潛遊老幼聚觀

河梁共樂公暨人士亦飲酒賦詩以落之而蓮谷黃子又載筆以紀其事蓋山川風氣取拱固爲雄形家有消砂納水之說峙或增之潮或導之匹夫考宅猶必審愼况萬室之邑乎是故洛卜宜瀍澗是依鄴城引清漳而富非輕民力誠所以建不拔之基也爰作歌曰河水融融碩大且豐江公之功城下之河帶玉鳴珂百襪不磨歌罷敬書以復瑞人之請暇日往遊試與公逍遙河上看雙鷗瀟飛下翔泳斯時浮大白援筆賦詩以賀公尙有待也公名皋辛丑進土工興於壬子冬明年孟春告成

雍正十三年水嚙黃荆林民居攝篆楊瓚分水以殺其勢

瑞昌縣志

卷之二

建置  
城池

十

水道淺狹不久復淤

署令楊瓚序 瑞昌城外有河東注於江按其故道在縣南半里許其引而來決而去者自有明迄今已三易矣宣德間華容劉君湮塞故道引水繞城而下萬厯間葉君以別駕視瑞事謀於眾復決之去

國朝桐城江君宰是邦培植風脈又復引水至城自後洪流泛漲漸嚙民居日朞月削者六十年邇來嚙無餘趾山水暴發臥榻之內釜沒甑漂兒啼婦哭幾等剝膚之痛矣余攝尹此邦適遭水害民咸匍匐相告曰水不分吾儕非溺則徙耳或有爭之者曰水一分則通邑之風脈壞矣二說相持不下予曰形家言固可信但以萬民

之性命爲風氣之謀於情爲乖於理爲謬若遽然決去則前人培植之謂何爰是挽舟而上至湮塞故口周行相度不開則水不分开之則水棄城而走勢難兩立因思山水不發未至病民病在山水驟發悍不可制耳若開濬故道磬石爲隄遇大水汹涌則故河半分之以殺其怒否則水欲逸而隄禦之依然迤城而下不至砂飛水走有傷風脈豈非兩全之道與諗於眾眾曰善予因嘆夫昔之引而來決而去者皆賢令尹也其畚鍤板築之興何亦非惓惓爲民之意特其意見偶偏而有力者遂得懷私而各樹其幟以致屢引而屢決予非好爲調停實有鑒於已往之轍而揆以經久不易之制必如是

瑞昌縣志

卷之二

建置  
城池

十一

庶幾無害也眾又請曰伐石缺資鳩工無費奈何予因捐俸爲倡而外翰康君旣與予協謀又出橐金力贊濱河者咸思隄成而水害遠城居者皆樂隄成而脈不傷均願出資共勦斯舉董是役者司訓程君縣尉俞君也是爲序

乾隆十二年巡憲李公根雲按臨登視以水病民居兼反弓不合形勝命知縣林煥督士民捐資築隄開港決水南流淫潦冲激致邑下關柳林洲崩潰工垂成而林卒署篆關朝柱因民病汲率民掘隄引水繞城仍不閉塞新河至今兩河分流居民稱便焉

咸豐壬子年知縣周鳴鹿因大南門外河勢反弓徙修三

十餘丈

按瑞城形勢北枕山麓西南皆環山惟東面湖河道經其南諸水合焉近城左右二水一白石塢山迤東而下繞東門一自白龍泉迤西而下繞西門環南門二水至南門外之半里許青龍橋會合入河其西南遠鄉諸水迢遞百數十里匯於堰山直趨羅湖洲之高家港口復折而西至黃荆林經瑞興宮前與白龍泉水會合繞南門至青龍礮又與石塢山泉水會合入河河道曲折城固池險形勢甚勝乃自明迄今或築高家港口引而來或掘高家港口決而去凡經數易其決而去者惓惓爲民然城亡重險民且病汲其引而來者惓惓爲邑然春水泛漲間嚙民居其調停爲半隄者惓惓於民與邑然源遠水驟半隄難禦久之仍不繞城矣現今河道淤塞風氣日衰追思江公築隄障水環繞城根帆檣雲集居民稱便且表形勝其區畫之精培植之厚歷久難忘焉爰詳考始末備錄於志

### 壇廟

舊志曰國之大事首在祀典有功於民咸秩勿替粵惟長吏對越冥神福庇斯土共有攸責時和年豐民康物阜皆明賜也壇廟之建其敢忽諸

社稷壇

東關外

瑞昌縣志

卷之二

建置壇廟

十二

宗嘉泰間知縣洪鈞偲立於白龍橋左

明洪武二年知縣黃顏遷今地東廣一十七尺南廣四十九尺西廣二十

尺北廣十品弓祭以春秋仲月一和羹一奉主於

之陳設祭品粟社酒三爵帛一月一和羹一奉主於

一稻梁二籩棗栗稷藁魚四籩韭菹鹿脯安醢九醢四豆羊

萬邦分五色以表封圻典三農而蕃稼奠承於土

風雲雷雨山川壇城許南

宋嘉泰間知縣洪鈞偲立於小南街西

明正德七年知縣黃源大築城遷今地西東廣十三弓二尺

南廣十九弓一尺北廣十八行一尺祭為常日又社有因旱

而雩生祭永賴乘氣機而鼓盪溫肅攸宜磅礪高深長以

瑞昌縣志

卷之二

建置

十三

仰安貞之庇護依鞏固祀實值良辰之敬潔豆籩祗陳殷牲

帛尚饗又雩祭農勸之稼府惟命撫之羣黎仰體服田形

令甲爰頌肅舉祈之年受賜來寅率將事庶申守裕於蓋黍

饗尚維馨尚冀昭之賜來寅率將事庶申守裕於蓋黍

先農壇武東

國朝雍正五年知縣張豐孫建每歲及清鄉耆老亥日詣祠虔

祀耕籍如古夫禮牲用羊豕三獻禮如常儀祭文曰

尊神之功陳三時之典茲當東作咸先疇惟配彼儀天念五

修祀事惟願五風十雨嘉祥大恆有饗於神

鞭春禮舊今詳附

立春先一日知縣偕各官於東郊祭芒神行兩拜禮迎春

赴縣儀門外土牛南向芒神西向各官乃飲宴而退至日  
侵晨各官具朝服設果酒祭芒神行禮三獻讀祝文曰維  
神職司春令德應蒼龍生意誕敷品數萌達某等忝牧茲  
土具禮迎新戴仰神功育我黎庶尙饗祝畢復行禮各官  
執綵仗侍土牛而立春官擊鼓三聲眾鼓齊作各官環擊  
土牛者三執事者齊擊至碎鄉人各取其土以歸謂之宜  
年

邑厲壇

城東一里  
近望仙橋

明洪武三年知縣黃顏立

東廣二十弓西廣二十一弓  
南廣十三弓北廣十弓  
祭以

清明日七月望日十月朔日  
清地焚香列炷正壇設城隍位  
用羊三豕三米三石炊飯  
席鬼神而分祭之禮生八人

祝一通贊二引贊二捧爵三人

瑞昌縣志

卷之二

建置壇廟

十四

蔣志云邑之祀社稷山川風雲雷雨因其有功於  
民而春秋祀之重所天也古祀皆有配位明洪武  
十一年詔定王府社稷無配位惟京師太社稷有  
之雲載祀典始於洪武二年後風雲雷雨山川合  
祀焉厲壇之設卽子產論伯有鬼有所歸乃不爲  
厲之意我

朝雍正四年 詔令郡邑置先農壇行古耕籍禮而壇  
壝乃大備矣

文昌帝君廟

城外東南許康熙十二年知縣江皋建  
乾隆十八年知縣鄒尙仁繼任蔣有道教諭

張禹遜踵修嘉慶九年奉知縣易宮爲廟十一  
年知縣趙增修道光十年奉知縣吳調元重修

文昌帝君

咸豐六年奉諭旨升入太牢祀樂用六成舞用  
吉舉行祭禮牲用羊豕設太牢祀樂用六成舞用

六佾儀節均與清關聖帝君同威豐七年奉諭旨  
文昌帝君神牌清書文昌字緡清帝君字還音  
正殿位前陳設二籩豆案一爵墊共一爵內陳牛一鉶二籩一

前設香案一  
鑪一

廟中樂章春秋南呂清均

仲倍應鐘起調  
呂起調

秉氣兮靈躔翊文運兮赫中天蜺旌兮戾止雕俎兮告

虔迓神庥兮於萬斯年迎平神之來兮籩豆

式陳神之格兮几席式親極昭彰兮靈貺致蠲潔

兮明禋升香兮伊始居歆兮佑我人民奠帛初再酌兮

瑤觴燦爛兮庭燎之光申虔禱兮神座儼陟降兮

帝旁粢醴潔兮齋邀將綏景運兮靈長亞獻禮成三獻兮

樂奏三終覃敷元化兮繫神功馨香達兮肸鬻通

瑞昌縣志 卷之二 建置壇廟 十五

歆明德兮昭察寅衷終獻備物兮維時告徹兮終禮儀

神悅懌兮鑒在茲垂鴻佑兮累洽重熙徹饌雲駟駕

兮風旗招神之歸兮天路遙瞻翠葆兮企丹霄願

迴靈眷兮福我朝送神烟煴降兮元氣和神光燭

兮梓潼之阿化成耆定兮橐弓戢戈文治光兮受福則

那望燎

廟中春秋二祭祀文文曰維育德侖天道闡苞符性敦孝友

神教炳日用昭時享惟祈仰鑒觀之有赫示明德之惟馨茲

廟中二月初三日告祭祀文文曰維育德侖天道闡苞符性敦孝友

紀瑞度中和之令節九宇承暉若日於馨之有光明上闡大

敬陳芳薦精禋罔敦  
神鑒式臨尚饗

關聖帝君廟

東關外演武廳後明朝嘉靖間知縣駱秉詔建  
有田地十一畝

田寺田十二畝又開墾田地四畝三分咸豐三年廟燬  
於兵同治七年重建九年十年復修

典史李殿雄記 我

朝定鼎以來尊崇

關帝封先錫號廟貌蒸嘗體隆典重無以復加瑞邑故有  
武廟在城東里許與先農祠竝建規模狹隘相延日久  
棟朽榱崩垣頽瓦裂幾至傾廢乾隆甲子夏粵東林公  
換尹茲土雄亦適爲斯邑尉廟謁時仰視內殿

三公神位與聖像同龕咨詢祀典春秋祭饗先請神位於  
頭門以展祀事慢神失禮褻莫大焉急謀修舉奈工大  
費繁力有未逮明年春林公捐俸爲倡僚屬紳士共襄  
厥事因遺址卑促議以舊存公田四分易雷盧二姓民  
田又購殿後盧姓地八分開闢宏敞鳩工庇材不日殿  
宇告成復於東側建

瑞昌縣志

卷之二

建置壇廟

十六

三公祠祠前創先農祠其向之褊淺卑隘者今則制度巍  
然矣然猶慮廟無田土無以招僧看守乃以城東金塘  
壩外淤潮曠土招僧墾辟復將良田寺僧爭控盜賣田  
產十畝有奇撥入以資僧食後僧復創靜室事多拮据  
力難開種荒業雄與前任肇陳司孔君毓任邀集紳士  
七人捐資以濟所需其創建竝置田土各事跡勒石備  
考茲逢縣志重修雄念斯廟更修仰副  
聖朝崇祀鉅典不揣鄙陋用泐鄙言以記

關聖帝君吉咸豐三年奉牲諭旨升設太牢祀春秋二成舞用卜

六佾儀二節與又廟同五月十三日 與春秋二節與又廟同七年奉諭旨

君改寫均還聖音聖字繙字清帝

前殿位前陳設十籩豆十案一爵一墊一內陳牛一劊二簠二籩二籩

燭一陳銅鑪一香靠具實炭二整一銅

廟中樂章春夾鐘清均 仲倍應鐘起調

懿鑠兮焜煌 神威靈兮赫八方偉烈昭兮累禳祀

事明兮永光達精誠兮黍稷馨香儼如在今洋洋迎神

英風颯兮 神格思紛綺蓋兮龍旗蚪桂醕兮盈卮

香始升兮明粲惟降鑒兮在茲流景祚兮翊昌時奠帛

平翊觴再酌兮告虔舞干戚兮合宮懸歆苾芬兮潔蠲扇

瑞昌縣志 卷之二 建置廟 十七

巍顯翼兮 神功宣亞獻鬱鬯兮三申羅籩簋兮畢

陳儀卒度兮肅明禋 神降福兮宜民宜人終獻物

惟備兮咸有明德惟馨兮 神其受告徹兮禮終罔

咎佑我家邦兮孔厚徹饌神聿歸馭鳳軫兮驂虬

駢降烟煜兮餘酌醑願回靈盼兮德洽明威送神焄蒿

烈兮燎有輝 神光遙燭兮祥雲霏祭受福兮茂典

無違庶揚駿烈兮永奠畺畿望燎

關聖帝君三代祠在廟殿後雍正三年奉旨增祭無文

曰維公世澤貽麻靈源積慶德昌後篤生錫命攸隆

善則歸親宜享尊崇之報列上公之封爵生錫命攸隆

關聖帝君祭文文曰維信義帝鎮九州完丹節以篤日忠貞

名高三國屢神明如在徧祠宇於寰區靈應丕昭薦馨  
香於歷代徵異蹟顯佑羣生恭值佳辰遵行祀典筵  
陳籩豆几奠  
牲醪尙饗

東嶽廟城東南東

城隍廟縣署西興教坊右春秋仲月上戊日合祭於風雲  
雷雨山川壇陳設增社稷壇二之一筐增一祭品

亦如社稷壇

明洪武八年知縣李鳳建

成化十八年知縣傅思勉重建

正德八年知縣黃源大修磚牆長十五丈

嘉靖十二年推官黃騏增修四十年知縣華士迥改修甬

道諸處四十二年知縣駱秉韶更修

萬歷間廟朽知縣胡謂仁鼎建明季傾圮

瑞昌縣志

卷之二

建置壇廟

十八

國朝康熙十四年知縣江皋重增郵廳

知縣江皋序 郡邑之祀莫大於城隍以其有功德於  
民至鉅也先王之教曰明有禮樂幽有鬼神神與守令  
共撫茲土民之奉神猶之共奉守令也按志瑞邑在吳  
爲赤烏鎮至南唐始陞爲縣明初縣令李公建城隍廟  
於興教坊是時未有城也正德間華林桃源盜起縣令  
黃公請於上始城至今賴之夫有城斯有神前人於未  
城之先尙立廟致敬以邀惠於神藉無形之保障况今  
屹然溝壘於以保障生靈者幾百年所邑之人其敢忘  
報哉乃今廟貌不飾風雨侵凌神且露處矣是令之責  
也諸父老之過也令之始治瑞也署惟頽垣敗瓦其敝

不減於廟然令能自飭之神不能也則率諸父老以爲神飾茲廟宇者令之事也令倡之諸紳士父老助之是以妥神棲而昭禋祀卽人心安而神降之祥矣不甯惟是歷代有講約之規徧布諸天下而瑞邑缺焉豈瑞獨不率歟抑敝邑褊小無隙舍公所足以圜集舉行此事耶廟旣葺令與諸父老於每月朔望一集於茲申明十六

諭凡我子弟人民其敬聽焉令導於下神鑒於上有不率者神與令皆得以法治之瑞之俗庶幾其有賴乎廟葺不第報神功德而已邑實利賴焉其何可不黽勉以從事

瑞昌縣志

卷之二

建置  
壇廟

十九

乾隆十八年知縣鄒尙仁繼任蔣有道教諭張禹遜以廟礙學宮路改遷學旁

教諭張禹遜記 易曰城復於隍後世因以有城隍之名洎唐宋元明以來天下郡縣皆立廟以祀誠以城隍神與郡守縣尹分理陰陽一治民於明一佑民於幽者也而神能佑民民亦應妥神欲求神之妥是在夫立廟之安瑞昌故有城隍廟自有明建於興教坊至

國朝順治間改遷學宮於廟後地後之人習而安焉遂令聖廟有面牆之逼相沿以迄今日也然欲拓 聖廟之顯敞必先撤城隍之壅蔽前邑侯鄒公與余謀之久矣而工繁費浩驟難就緒越壬申歲鄒公毅然捐俸以倡

勸邦之士民各準其力相助擇勤敏者使任首事又念學宮傾圮尤甚先舉而修葺之工既竣旋相地以遷城隍廟惟學東偏張氏宗祠爲吉給以一百二十金而市得之諷癸酉三月肇役工甫興鄒公以調去今邑侯蔣公繼至余具舉以告亦欣然躬肩其事乃七越月而廟落成其規制臨孔道爲大門門外有站檐內爲演劇臺共五間從甬道而上爲正殿殿左右翼以廊分祀六曹神後爲寢殿址不足割學地益之深三十五丈廣五丈恢宏壯麗不但城隍廟其屹然巨觀也卽今學宮帶水環山亦覺煥然一新焉甫遷之歲秋闈卽取元魁文武獲雋者四人邑士民咸相歡慶以爲遷廟之效捷如桴

瑞昌縣志

卷之二

建置壇廟

二十

鼓請余記以垂將來余曰然是役也非鄒公罔善厥始非蔣公莫全厥終固汝所知者而慢神則民不安虐民則神不享二公所以先後一心克成此舉者是皆先成民而後致力於神敬夫神乃愈有以仁乎民也汝其知之乎爰撫其巔末以爲之記焉

邑庠熊飛熊詩 神廟新遷處今人位置宜山城資保障灑水賴防維四境輿情洽千秋祀典垂載觀輪奐美英爽式憑之

馬王

倉神

衙神

俱祀縣左  
舊關帝廟

土地神舊關帝廟左

財神舊關帝廟右

萬壽宮城前東嘉慶二嶽十一年養濟

都天廟舊城內老城隍廟右遷今城隍廟同治間

三公祠儒學敬事一亭善政明司李潘後季馴徐元正李右今華廢

葉公祠縣東陶家嶺通判葉朝榮署縣事愛民剔弊民祠之

五賢祀葉公瞻後駱秉韶補城王知縣洪鈞偲建祀元次山蘇子瞻後駱秉韶補城王知縣洪鈞偲建祀元次山

翁王因過瑞昌遺韻可懷祠久係濂溪長子流寓王仙檀木岫桂山之祀從輿論也

同知陳師孔鑄奉壚瓶二副

周起元記 桂山先生於我建鄉為賢於宦江州為名

當其署茲邑也未期年而慈母戀之神君誦之迨其去

瑞昌縣志 卷之二 建置壇廟 二十一

也爭構堂而奠之莊嚴先生之像而存之遞春秋二十

餘年於茲矣夫瑞閱令非一獨其念先生搢搢不忍舍

乃志所稱獷悍不循古禮者安在余甚異焉余叔尙德

自乙未春問業北雍師先生之子臺山先生因得飶領

先生風韻竊私心嚮往有年今承乏茲土則儼然車轍

馬跡之區甫下車而謁先生祠撫祠中兩碣石讀之真

心實政藹然赫然恍如見先生也者蓋先生之學問其

要歸在誠曰不誠則百美莫贖故濬河累山與夫省舟

緡築彭垣建州學若子燕孫謀然者皆以真實為之計

長久四方俎豆惟瑞昌最先先生恩先於瑞而瑞人先

諸祀祀先生於戲不忘至誠動物良足徵哉祠地屬名

宦鄉賢故址原祠祇一堂前任以堂前餘地易民改城北門半猶屬民間其民居棟脊昂然與先生之祠爲抗因屬耆老而議設法以恢舊址新厥祠邑之士民樂趨事者聽之而拓基共深十丈廣七丈北抵胡家地南抵張家地東抵桃源嶺街西抵陳家屋基俱以祠外廣垣爲界邑原有四賢祠在蒼城墩祀唐元次山宋周濂溪蘇東坡王梅溪先生濬河時嘗與諸生講學其中曰士希賢賢希聖諸生不必遠求四賢即可希也茲賢祠年遠且圯諸生呈請於上卽先生祠舊堂之前復構一堂建大屏障之前堂祀先生像後堂遷四賢置五木主合先生而五祀焉謂祀先生於邑之名宦則爲抑尊誠有如督學使者所諭儕之四賢庶幾足稱教人思齊之誼耳爰是題之曰五賢堂外門則仍扁曰葉公祠是役也且修且創經始於孟夏之念八日落成則仲秋丁巳祭先生之日也紀先生功德者兩碑爛焉不欲是祠之久而壞後人之嗣葺俾斯廟與五賢之名長存可也

丁公祠

縣署兆明余有慶建祀唐楊公嗣復公舊寓丁溪後爲神最靈故一稱丁公前重咸豐間五六鋪公

建又祠三一在丁溪隴內現存遺址有五里十八保公建碑誌乾隆間移遷隴口接螺市城西五里十八保公建

一在縣南邊街山川迴龍鋪公建公祠一在西門外迴龍鋪公建

邑舉人何鈺記 瑞邑有丁公福神自先朝崇祀以來

輪案十有八保沿例踴躍蓋歷久如新矣其族本楊而稱丁者以爲神於瑞肇起丁溪也公名嗣復字繼之號

瑞昌縣志

卷之二

建置壇廟

二十二

東山世居宏農漢關西夫子震裔也祖太清倦宦客河朔死祿山亂父於陵年十八擢進士節度使韓滉見而異之妻以女滉居宰相權震中外於陵避親退廬建昌滉卒德宗雅聞其名拜中書舍人憲宗時授吏部侍郎穆宗立遷戶都尙書授太子少傅後以尙書僕射致仕立朝方正始終一節卒贈司空諡孝貞生公兄弟四長景復仕同州刺史次紹復仕中書舍人三師復仕大理寺卿公居幼甫數齡外祖滉撫其頂曰名位當踰其父楊門之慶也因字曰慶門後擢進士博學宏詞與裴度柳公綽皆爲武元衡所知表署劔南幕府進右拾遺遷禮部侍郎與牛僧孺李宗閔雅相善二人輔政引之不欲越父當國故權知禮部侍郎領貢舉得士六十八人適於陵自洛入朝公乃率門生出迎置酒第中於陵坐堂上公與諸生坐兩序時元微之白樂天有詩名楊汝仕亦在列飲酒賦詩壓倒元白至今稱盛事焉文宗嗣立進戶部侍郎父老求待不許喪甫除擢尙書左丞太和出爲劍南節度使旋徙四川開成初以戶部侍郎召領諸道鹽鐵轉運使俄與李珣同中書門下平章事封宏農縣伯後以紫宸奏事鄭覃謂陛下當察朋黨公云覃疑臣黨臣位宰相不能進賢退不肖以朋黨譏其所以重朝廷再拜乞罷帝方委以政固慰安之覃又言陛下開成初政甚善三年後日不逮前公曰開成初覃

與陳夷行當國三年後臣與李珣同進臣不能悉心奉職使朝政日不逮前臣之罪也縱陛下不忍加誅當自殄滅卽叩首請辭闔門不肯起帝乃免覃與陳夷行相而以公任天下事未幾帝崩中尉仇士良廢遺詔立武宗帝以立非宰相意故薄執政自用李德裕而罷公爲吏部尙書出爲湖南觀察使後以中人讒幾遇害降爲潮州刺史宣宗立起爲江州刺史以吏部尙書召還道次岳州卒年六十六贈尙書左僕射諡孝穆生子五一曰授字德孚由進士官戶部侍郎後以刑部徙太子少傅卒贈尙書左僕射一曰損字子默由蔭補藍田尉至殿中侍御史後拜平廬節度使其後授從昭州在華州

## 瑞昌縣志

### 卷之二

建置壇廟

二十四

損宅與路巖鄰在魏孫左拾遺斐疏諫昭宗避宴厯戶部員外郎避朱溫亂挈家徙湖南今建昌縣西四十里有楊家岡居民姓楊自謂是其後裔未知確否庚戌春闈余未北上館於建昌邑侯雷公官署課徒暇偶閱是邦志書其間載公父子祖孫事甚悉心竊喜之夫公在瑞爲神顯赫歷傳而瑞人祀公如生也輪案所至諸凡竭財崇敬無不循例一心久而勿替而究其事蹟世德里居所由爲神於瑞者考諸邑乘僅載丁溪發軔外此概不及詳卽他書史中事或散見亦多略焉未備歲辛亥案坐寒舍祖祠因修蔣志臚敘巔末書告瑞人庶奉我公不特知公事蹟並里居世德亦歷覩淵源確可徵

信且俾後之同心者或鑄石碣以垂不朽耳

元次山祠

治北排砂周邨  
光風塔上首

邑庠戴經詩 朽骨垂遺跡高邱重列城草深多牧馬  
路僻不知兵古木何人植新堂幾歲營文章天下在莫  
道灤溪清

邑舉人陳嘉會詩 灤濱寄跡自先生千載溪流特著  
名猶記諭鄰詩句在一瞻廟貌一深情

邑庠陳嘉禧詩 曾讀先生詩諭鄰登堂恍若見伊人  
宦遊濁世厭聞亂跡浪閒園喜避塵莫道春陵歌盛德  
猶來灤水薦明禋一溪存讓名常在漫叟光靈永不湮  
邑舉人何鈺詩 浪士人何在赤烏俎豆榮徑荒餘草

瑞昌縣志

卷之二

建置壇廟

二十五

翠祠古見風清愛灤情偏切諭鄰句可驚拜瞻抒夙慕  
彷彿面先生

邑庠潘廷燭詩 避世厭塵濁寄情在灤濱文章根柢  
厚道貌拜稽親一讀當年句尤驚此日神諭鄰多雅意  
祝史報明禋

邑令周鳴鹿

咸豐三年過此題聯並序云癸丑春慘遭  
兵燹瑞邑界吳楚沿江一帶多被蹂躪又

值淫雨害稼民不聊生余職慙守土與先生隔千百年  
而遭遇時艱後先一轍因瞻遺像憮然有懷爰擬以聯

遺愛在道州大兵大荒垂老淚高風傳灤水一邱一壑  
遂初心

顯濟廟

治北八里白龍泉側洞內有石碣載漢槐里侯萬  
修事頗詳宋元明俱有封敕國朝頒有祀典

宋封顯濟廟敕 鄂部狀准都省批下江南西路轉運

司奉本司近准尙書劄子節文爲據江州瑞昌縣稅戶周奇等狀竊見本縣管下有靈跡龍坑白龍泉祈禱靈應乞行下所屬保明回申乞與封爵仍賜廟額施行本司牒委鄰州興國軍永興縣主簿迪功郎江仁榮躬親前去詢究去後據申躬親前去瑞昌縣管下安泰鄉地名龍坑喚其鄰保耆宿周奇等詢究據供本鄉有靈跡曰龍泉歷來祈禱多有感應其泉亦曾乾絕潮信涌起每日如期茲人得此泉水灌溉田地其利甚多每遇旱傷本縣里正縣官及人戶祈禱無不感應境內因此常年皆無饑歉之患建炎年中逆賊李成入縣界凶焰不可禦遏其泉白霧滃然四起遮蔽原野人面莫覩其賊

瑞昌縣志

卷之二

建置壇廟

二十六

黨卽潰散旣而岳宣撫飛領兵襲後不戰而勝皆神之功上件靈驗委與其他泛泛些小感應不同乞賜保明備申朝廷特與封爵仍賜廟額本司從條再委鎮南軍節度推官張大年躬親前去覆實去後據申委有前項靈應事跡保明詣實本司保明伏候敕旨復批送部勘當申尙書省本部尋行下太常寺去後據申檢准建炎三年正月六日已降指揮節文神祠遇有靈應卽先賜額並淳熙十四年六月十九日已降捐揮節文今後神祠祈禱應驗會諸路運司依條保奏取旨加封本寺照得今來本路轉司已依條差官詢究覆實保奏了當應得加封條法緣上件神祠未載祀典今欲從已降指揮

合先擬賜廟額合行降敕伏乞省部備申朝廷取旨加封施行申部本部今勘當欲從太常寺勘到事理施行伏候指揮吳文忠宣義郎知江州瑞昌縣主管勸營田公事兼買細茶場洪鈞偲立石

敕江州瑞昌縣顯濟廟潛龍在淵爲帝司雨隨禱輒應錫命惟彰已昭靈宇之嘉名曷寵元侯之顯號祇予茂渥慰彼輿情時其雨暘無或菑害可特封孚澤侯慶元六年十月十七日

元封顯濟廟敕 上帝眷命皇帝聖旨禮不忘其初祀典蓋明於施報爵以馭其貴國恩何間於顯幽神爲六州之尊禮宜百世之祀江州路顯濟廟孚澤福瑞侯生

瑞昌縣志

卷之二

建置壇廟

二十七

而先幾之知歿而及物之仁有感遂通無遠弗屆箕風畢雨陰陽聽其翕張灑水潄山春秋安其耕穫故聰明正直而一者凡水旱疾癘必禱焉爰易顯稱庸光休烈尙期體茲敬共明神之意庶無忘夫陰鷲下民之功式克敬歆以承茂渥可改封孚澤福裕仁烈英顯王主者施行儒林郎江州路瑞昌縣尹亦刺馬丹立石至正元

年閏五月 日

林廷讚記 歲在萬曆癸未六月大旱將殺稼余爲主禱不雨或進曰古有白龍泉先時旱禱無弗應余隨載牲絮酒自爲辭臨泉而禱之果應如響泉之左有廟額爲顯濟碑碣磷磷皆歷代所封敕也今爲風雨所侵頽

然傾矣余詢耆老指言爲槐里祠或言爲龍王廟者翼日取白龍泉志閱之果槐里侯之事查槐里侯乃東漢功臣萬修爵號凡人生長爵祿必仍其地侯居於瑞者何哉余思古之豪傑功成身退思爲禍難所乘託爲采藥修真雲遊山水結廬采勝隨其意適而安處焉如畱侯之從赤松子遊范蠡之扁舟入湖是也後世重其蹟而封敕之俎豆之理之常耳祭統有云爲民禦災捍患則祀之斯泉也能沛雲雨之施卻李成之寇其爲民之庇也大矣將謂泉之神與未必非侯之佐其靈也從而祀之誰曰不宜有爲龍王爭者曰近民萬氏宗萬修故爲無稽之說以惑人噫此皆循名而未核實者也細玩

瑞昌縣志

卷之二

建置  
壇置廟

二十八

碑碣載宋始敕爲福瑞侯元加封仁烈英顯王因其王爵而昧者以龍王目之職此之由乎余於廟之重修而落成也援其事理知仁英烈顯王爲血食之主使後人秉爲成典至於地里山川峯巒潭洞年代閱歷之數封號加進之由幽明孚應之異則有舊乘詳之茲不重述云

夏可範記 余潯江之水爲東南巨匯其源一出於白龍山山有泉惟神司之凡遇旱禱輒應宋以來錫以侯王崇號取古五嶽視三公四瀆視諸侯之義我明受命迄今垂二百禩侯王之號人則知之而不知其卽龍蟠土主土主之神功德世遠人雖競相迎祀而不知其謂

長春洞天也是歲七月十又六日余邑耆老鄧君萬君因搜尋山谷步得一洞在龍山之右嘉其奇勝因命人翦蕪闢塞燭入其內廣虛可容數百人得二石碑其一刻土主追封侯王之事其一刻元封誥於其上乃邑令亦刺馬丹之所立也遂相與駭視愕然曰異哉據石土主諱修字君壽姓萬氏其先豫章人究習韜略輔漢世祖拜雲臺上將與鄧禹同功功成隱居江州廬山赤烏龍蟠里白龍泉長春洞以建炎初丙子旱禱於泉而解後人立祠繪像祀之稱龍蟠土主福瑞之神宋建顯濟廟敕封孚澤福瑞侯至正元年閏五月詔封孚澤福裕仁烈王刻宸翰六通樹於廟以表之後湮沒今得碑讀

瑞昌縣志

卷之二

建置壇廟

二十九

之士主之功昭昭在人耳目嗟嗟異哉夫聖王之制祭祀也能禦大災則祀之能捍大患則祀之其所謂福瑞者以其能禦災捍患而追崇之也若以長春洞天主人自號者則亦子房赤松之意功成身退又超出於雲臺諸將之上焉其高風偉烈至今猶可想見余生於其間稽之邑志詢之父老無所謂長春洞者今乃知洞以長春得名神以長春寓號豈土主之功待今日而顯而山川之美亦待人而有光耶八月朔日適余北上與邑侯駱君司訓張君告別於泉之亭駱侯浙人也性好佳山水重有感於余言遂請余作碑勒諸不朽余不誣夫神豈敢誣夫人耶遂爲之贊曰白龍有精濯濯厥靈施沛

甘霖用福斯成惟神相依正直聰明孚速孔昭對越來  
歆雲臺茂績槐里奇勳勒名彝鼎遺稿猶存廬山之麓  
灤水之濱龍蟠在中洞口長春歷宋而元徽號隆名宸  
翰奎章炳燿乾坤洞中之石百載斯湮表揚自今以妥  
神人

孫承榮引 余嘗過雁宕得觀大小龍湫因歎黃輿品  
泉幽奇殊放無弗靈於龍也然僅資遊娛繁題鑄非民  
澤者不爲功瑞治西北五里有白龍泉邑乘臚八景之  
一穹碑廟祀傑然宋元時其在元爲尤著至元間旱禱  
望斗分有白龍沖屬輒風雨驟至詔下江南採訪使上  
其事凡膺崇封者再龍之爲靈昭昭已邑水源迢遞盡

瑞昌縣志

卷之二

建置  
壇置廟

三十

瀉東西惟泉流遶城如帶挹彼注茲澤貽塵澗瑞之人  
食豐美報不可謂非龍之德潛而施溥矣泉出半山間  
僅容箕土人好事者間以身附筏迎流一里許四望洪  
濤淼漭震撼彌谷光怪陰生搏人或曰此通潮海處也  
嗚呼龍神不測百川可沸洵不足異獨詫其奔海天貫  
星野僅蟠蟄於岑隅勺水間遂大滋爲福澤龍之潛躍  
變幻於斯至矣哉瑞之人食報於泉泉之神爲靈於龍  
山川共茲不朽邑前侯躬禱必應因拓舊而更新之經  
兵燹陵谷榛莽猶幸封碣無恙擬有靈奇呵護僧某挈  
徒侶聽泉其間感今侯之和恒念民依之小康將護持  
風雨偕大眾爲津梁亦彼法中之龍象也余敬異之爲

敘其畧

國朝康熙間奉

旨舉行春祭

嘉慶十三年大旱知縣趙增典史毛洪外委孫亮禱雨輒應各捐俸銀諭邑紳耆重建

道光十五年知縣董思誠申詳上臺奉

旨舉行秋祭

咸豐五年四月兵燬

同治二年近廟九保重建後殿五年又重建前殿

劉猛將軍廟

縣署後道光十五年知縣董思誠因蝗災建咸豐四年兵燬址存

義烈祠

舊在演武廳右嘉靖辛酉年撫州土寇陣亡諸人柯談陳黃王五姓鄉兵出征撫州土寇陣亡諸人

檄縣立祠祀之  
事詳忠義列傳

王太公廟

治南八里大塘漢八里封

瑞昌縣志

卷之二

建置壇廟

三十一

大王趙公廟

治北甘露鄉助香山鋪地名夜豪壠施田一畝以助香火地民王守範

田太尉廟

治北武茭封寶榮菴唐敕封

水府廟

白龍橋七十步唐敕封

謝安廟

金城鄉

五顯廟

治西街烏石

龍王廟

治西湓石泉雙峯側

大王廟

治東北馬頭坂以上八廟據今例應歸寺觀緣舊志載人壇廟仍之

開基土主祠

縣北丁公祠後學地

公廨

試院附

舊志曰廨舍之制嚴上下辨等威也名曰公門標

以戒石堂皇南面義取嚮明畏此簡書兢兢業業

上諭亭署縣篆西北雍正十三年知縣黃增姚暹籌同治六年

朝賀

萬壽聖節知縣同各官屆期五更朝服詣禮 上諭

元旦冬至禮俱前

聖諭亭縣署儀門內乾隆元年

縣署

縣署地形自丫髻山迢遞而來疊阜層巒勢如萬馬從天而降蜂屯蟻聚若庫若倉下趨平衍既舒且博相厥瀼溪之北倉城之東卜惟其吉

南唐昇元三年改赤烏場為瑞昌縣始宅土營廡原在治西桂林

橋

瑞昌縣志

卷之二

建置公廡

三十二

宋嘉泰三年知縣洪鈞偲遷建今地

元至順四年達魯花赤亦刺馬丹修元未燬於兵

明洪武二年知縣黃顏鼎建李鳳劉從正劉仁宅唐綸相

繼增修

宏治三年堂舍圯知縣潘曰厚重修正堂三間後堂三間西為架閣儀仗儲積

油燭四庫左翼為吏戶禮並承發右翼為兵刑工併勘合八房甬道立戒石坊東西各附房一後知縣駱秉韶

劉儲沈文淵後先補葺明末兵燬

國朝順治四年知縣連起鳳鼎建

康熙十年知縣江皋於大堂前建郵廳左建庫房週圍垣牆俱已修築後堂左建梅詠樓樓東蓋種花堂後園造菜

根亭

舊按縣署後有土阜高不尋尺前明萬曆四十二年知縣譚述職立有石碑鐫三台山三大字於上二堂左舊有小祠祀財神馬王不惟觀瞻弗稱亦且褻越神明今移遷衙左舊關帝廟凡梅詠樓種花堂菜根亭諸處雖存其名之舊而其制則已屢更矣

雍正十三年知縣黃增歷復爲拆造另起二堂五間住屋五間東書房三間

梅詠樓種花堂俱廢

乾隆四十五年知縣吳子魁重修

嘉慶元年知縣陸翥鴻繼修

嘉慶十一年知縣趙增修

瑞昌縣志

卷之二

建置公廨

三十三

道光三年知縣李培緒詳請修葺

道光二十三年知縣王訓復修

咸豐三年九月逆匪焚毀四年逆匪據郡城磚石一空

贊政堂

大堂東南明萬曆間知縣林廷□建

譙樓

明嘉靖間知縣駱秉韶建隆慶間劉儲修沈文淵改建縣左梁尙忠遷復故址國朝順治十六年知縣

劉景皋重修

明進士文德翼記 邑之有麗譙也自治所視之猶人之有冠也自治四境環而視之猶車之有蓋也使車而撤蓋人而脫冠其何以威遠而式近乎矧庫爲守獄爲寄嚴鼓節而申儆繫惟居高之呼是賴闕焉不建政體於是乎少替矣瑞昌由兵興以來適燬於賊歷令君十

餘卒時絀而不能舉盈也順治十六年劉公至下車四顧山川清淑鬱渤宛委會於城下告祭司門不稱其邑心實愼念之期月報政政理治清民大和會國賦雲湧民訟冰消乃下令聚父老而謀之曰余不忍勞吾民以一邑長而令公門比於短垣疲羊得踰焉其謂之何取材於林伐石於山編夫於里勢且不可止然余幸不至此古亦有言太上因之其次利導之余以心計廢浮屠有石惡其棄於地也舳舻之餘材蔽牛匠石不顧焉惡其齧於汙潦也邪許而致之薄本車足勝任矣余卽鮮罰鍰捐其葵魚之資以畀工不亦不勞民而事已集哉父老曰唯唯幸甚公又曰咨余縱不戴星而出戴星而入然朝夕爲民勤焉委蛇亦僅矣誰實相余父老曰唯唯幸甚士某也良士某也良公曰諾哉其卽乃事雖然材有餘焉余不敢陽矯邑之人士也余寅余賓其以餘材爲館以禮下之父老曰唯唯幸甚越數月門告成館亦如之德翼以部民謁公入其門肅焉適其館安焉公念部民之與尊人少參公齊年友也而辱加禮焉於是乎環而瞻之私言曰天下有爲政之具而不知爲者矣一邑利也而不知興一邑害也而不知去非其智不足也志不在公焉耳公世清白吏爲吏廉謹而慈惠至惡惡如棄咎焉凡事可爲精敏以趨之而絕少瞻回築門亦政之微者因材石之所棄而大工以成民忘勞焉非

志於公而以國爲家者能爲乎公家政譜宦業他日必有偉然可觀者不但郡邑聞循良一傳矣蓋以是卜之也公諱景皋別號岱嶼陝之畧陽人

康熙十三年知縣江皋遷於正中

吏舍十五間在大堂西

眞武樓土祠駱秉建今廢

主簿廨大堂西廨久廢

巡檢廨治西筆陳口緝捕府舊基頭門三間正堂三間雍正九年

年知縣陳於

與史廨縣署東西向正廳三間捲簾三間廂房二間後園

典史謝毓聯重建

### 瑞昌縣志

### 卷之二

建置廨

三十五

教諭署儒學東舊署將圯乾隆十八年教諭張禹遜大加修造體制軒豁

知縣蔣有道記 瑞昌向無教諭署自康熙六年邑紳士購民房創置在縣治北距

聖宮東百步許庠陋褊狹不稱觀瞻更歷八十餘載雨滷風摧木朽瓦敝前夫此者咸藉口寒氊苜蓿苟且以安其身危將壓焉歲辛未分甯張君禹遜來其人曠達不喜局促但革故鼎新事難猝舉越癸酉歲計度就緒迺延紳士十四人共加督理一切市材運甃諸費悉捐俸以助是歲夏五月肇役冬十二月落成署三進前仍舊制後改建大廳深拓簷廊中起裊道體勢高廣署外偏西學址向爲民居所僦張君乃償值使還建集賢堂三

楹堂後東爲庖湍所西曰希文軒垣墉四週竹木蔭翳諸生相從肄業心目之間必有神怡而志暢者矣余政暇亦時至其地集諸生講學諸生因請記以永其事余曰唯唯夫士君子之處己也誠絕去其自私自利之心雖艱苦重大之任猶不欲推以諉人况身所居之室豈可藉委前人而因循苟且乎今張君學術經濟未必僅觀夫一署卽一署論乃不恤夫秩卑俸薄毅然舉而新之以遺後人其毋私利之心也可覩矣將來秩滿擢最膺

朝廷之寵任凡分所當爲之事豈猶懷一己之見而推以諉人乎余故於治署之道而通乎治己治人之道焉至

瑞昌縣志

卷之二

建置公廨

三十六

其規畫營布之精雅會計運量之詳明又其餘事耳諸生誌之毋忽是爲記

訓道署

明倫堂左康熙間訓導周麟儕集諸生公建繼任季文芳增修

營署

舊寓東山寺康熙間知縣金世福詳請以養濟院廢基變價建署於小南門內

體統

舊詳典禮今附

學官拜縣官坐轎由中門至大堂下轎縣官迎至內堂待茶行賓主禮送大堂看上轎而別

巡檢及典史見知縣由東角門進初見用履歷手本穿補服庭參知縣親扶免向上三躬常見用官銜手本三躬待茶辭出向上三躬送至川堂

事例

舊詳典禮今附

上任儀注自入境至城先一日齋宿城隍廟次日詣本縣  
上任具公服輿從鼓吹至治所祭儀門畢望

闕謝

恩畢升公座開印闔屬官員耆老胥役等以次行參見禮  
畢乃署公移堂事畢到迎賓館接見各鄉紳問民間疾苦  
及地方利弊次日謁

文廟行香畢祭城隍暨應祀諸神三日放告閱城每月朔  
望往

文廟城隍廟行香復至公所宣講

聖諭廣訓十六條

試院附

瑞昌縣志

卷之二

建置  
試院

三十七

嘉慶二十四年闔邑以修郡志餘貲一千二百金議建試  
院首事監生張凱增生劉贊王襄李屏樹等於明年孟春  
價置東關內周鄧等姓民基創立四圍牆垣龍門三間頭  
門三間大堂三間穿堂三間前東偏二廡二十三楹六十  
九號棹凳俱用石腳方粗成旋遭水旱費需已罄工停道  
光元年知縣李培緒諭邑紳勸輸踵修越三年落成比將  
院內捐買基址田畝各契稟懇驗收備案並立試院糧戶  
所有租課存作歲修責成縣試案首輪流經理自前街至  
龍門內階長七尺闊四丈五尺自龍門至後牆長十一丈  
闊八丈五尺又後牆外西角基地一片闊一丈長二丈七  
尺西牆腳在內鑄石爲據

瑞昌故無考棚應試自備桌凳喧擁衙署後考棚  
創建方免斯勞然初建時應試者少而基址又苦  
於狹隘是以只設幫東二棚幫西暫闕考棚既設  
多士雲蒸前輩有志未逮僅買幫西基址二三尺  
爲增建號舍之地本年修志局設考棚六月□哉  
諸童八百餘人時天氣酷熱號座僅容大半後至  
者紛紛露立幾令向隅爰從長計議以闔邑虛銜  
捐封宗祠館墅及專傳酌派刊貲秋間捐有成數  
八月價置西偏周姓屋基長十一丈前闊二丈二  
尺中闊一丈七尺後闊二丈七尺計攤差三釐先  
是道光初年價置周鄧等姓基址計攤差一箇伍  
釐公將所買僧靄如羅湖中阪上地二畝二分計  
二片付九鋪二班攤會承管以當考棚永遠差費  
繼買幫東吳姓鋪屋一重計攤差三釐又買幫西  
周姓基址一片計攤差二釐合本年契內攤差共  
八釐九鋪二班眾姓赴局稱說 丁溪福主攤差  
自明迄今歷年久遠萬不能廢而基地半歸公所  
將來差費誰當明年後年適值臨班演戲費從何  
出公議抽錢六串文付九鋪二班攤會充當此次  
新差外將考棚舊置業產內撥出東門外上地八  
分亦付九鋪二班管業爲永遠大小差費現今西  
偏牆垣式廓其號舍容俟增設并誌

計開試院田地

一 潘家保民田五畝柒分

一 營盤上周民田壹畝柒分

一 楊溪嶂民家壩民計壹畝叁分

一 又溪民田六分壹畝

一 楊溪民田六分壹畝

一 鄧家壩民田七畝五分

一 紅巒民田七畝五分

一 石頭外流地堰分民又上地五分內八分揆出當差

一 東門外流地堰分民又上地五分內八分揆出當差

一 龍興源民田貳畝

一 又筋竹寺民田五分八釐又貳畝叁分

一 鄧家後埠民田貳畝壹分

一 試院東邊店屋中田壹畝六分又上地壹畝七分

一 小泥壩共地四分七畝九分

一 汚泥壩共地四分七畝九分

一 小場壩上地壹畝柒分

一 郎家壩上地壹畝肆分

一 冷水澗田壹畝壹分

瑞昌縣志

卷之二

建置坊表

坊表附

蔣志曰古者樹風聲表宅里所以勵俗而維風也

瑞之烏楔連雲如翰林孝子貞婦諸坊雖上之旌

獎特隆實由下之懿行彪炳人文煥發也觀此者

其亦知所興感與

同科翰林坊  
宋程立字

翰林坊  
元程立

進土坊  
元易立

藩伯坊  
元程萬立

監察坊  
明張立

藩伯坊  
明周立

方伯坊  
明立

提學坊  
明立

中丞坊 相明立余朝

御史坊 遜明立劉

給事坊 範明立夏可

給事坊 紳明立李

主事坊 麟明立產

孝子坊 新明立易鼎

藩臬坊 議布李政公分魁司立前參

儒林坊 黃儒學大前立知縣

俊士坊 孟舉貴人立文

給事坊 參明立曹景

鍾秀坊 華舉立人李

青雲獨步坊 舉立人魏

鶚薦坊 文舉網人立鄧

雲漢奎光坊 瓚舉立人馮

飛騰坊 茂舉立人黃

蜚音坊 邦舉儀人立陳

鳴鳳坊 良舉顯人立陳

登雲坊 希為舉立人但

恩榮坊 婦為潘旌門年曾九氏十立節

孝行坊 均孝子吳

熙雍瑞鳳坊 國進錄士立章

節孝坊 妻為蔡李氏大立羣

瑞昌縣志

卷之二

建置坊表

全節坊 妻為周李氏加立甄

全節坊 妻為陳李氏時立遂

全節坊 妻為周桂氏加立位

節孝坊 妻為熊聶氏主立寬

孝廉坊 聯為璧舉立人李

凌雲坊 一舉虞人立孫

解元坊 元舉立人王

鳴岡坊 崇舉楷人立陳

亞魁坊 師舉煥人立聶

全節坊 妻為余楊氏立生

進士坊 士文廟屏風堂立外進

節孝坊 妻為徐何氏平立壽

節孝坊 斌在歸之母一楊鄉氏邑立庠文

節孝坊 妻為楊周氏起立綉

雙節坊 妻在郭甘氏露媳鄉胡之雙一橋門為陳虛中立

節孝坊 宗在魯馬妻頭氏街陳氏為立朱

貞節坊 甸在三眼橋氏為立朱澹

貞節坊 雄在聘賓妻丫高壠氏為立曹汝

節孝坊 為在馮洪信下儒源大陳王廟立側

節孝坊 時在紫副峯室書許氏西立為雷

節孝坊 燕在寓接妻官雷廳氏為立周

節孝坊

乾隆  
吳洪  
斌丁卯  
妻陳氏  
為洪立一

節孝坊

為向登  
胡氏立  
庸

節孝坊

化邑  
徐方  
妻觀  
劉音  
氏洞  
立為

節孝坊

東關外  
周鴻泰  
妻啞文  
子嶺  
立為

節孝坊

化邑  
兆槐  
妻栗  
丁子  
氏山  
立為  
周

全節坊

縣市  
士駒  
妻南  
李街  
氏為  
立熊

節孝坊

紫峯  
生李  
騰書  
瑞院  
妻西  
熊側  
氏為  
立邑  
增

節孝坊

縣市  
黃鉞  
妻東  
王關  
氏內  
立為

瑞昌縣志

卷之二

建置  
坊置  
表

四十

寺觀 育嬰堂 養濟院 漏澤園附

蔣志曰邑無老子宮惟大雄氏之刹積七十餘區  
金碧輝煌恆路林壑之勝然匡廬非遠面目有真  
彼崇其神者亦豈宗其教乎

萬壽宮

治西洪二紫雞坂大古寺左原名古墩寺乾隆間  
柯漢光兄弟新建捐田數斗奉神咸豐間其子姪

邀紳耆勸捐增建二進兵亂工止同治年漢光孫復倩紳  
耆勸捐重修今神像戲臺側屋俱新太古寺分遺舊鐘存

東山寺

縣東一百五十五步嘉泰間建明洪武六年重修  
歲久傾圮正德十二年建萬曆庚戌邑人余有慶

增修東有古井前有鋪房今廢國初營弁借住復圮  
康熙間僧昌緒控憲檄縣另造營署寺復重新

邑紳文師大記 東山之刹舊矣前鄉中丞海峯公大  
舉而新之殿閣巍莪禪林稱最盛焉蓋以靈鷲之西來  
補瀼隅之東缺且南瞻北闕朝賀集焉則因瀼勝地也

瑞昌縣志

卷之二

建置 寺觀

四十一

無何兵燹後竟為防弁所據戎馬踐踏傾圮殆盡再西  
上人者蒿目而傷慨然急請於上隨得檄縣另度他所  
移置營署遂挺行力一肩百方拮据日惟減蔬裁腹刻  
苦以濟隻磚片瓦不假外募而集曾不數月而暨塗所  
徧風雨攸除室奧堂皇次第就列是皆以捧喝婆心頓  
成袈裟枳樹也先是上人以慧性廣參初淨戒於清涼  
旋證法於萬杉萬杉楚和尚方以曹溪一燈專虛上座  
臨別贈言白雲遙寄於上人蓋惓惓焉而上人卒不及  
脫然遂去者徒以東山故也然而東山乃得中興祖矣  
於此益見勝地興復之不偶也故記之

邑紳雷壽南寺田記 東山寺舊有田老僧某所自買

者白石松和尚來此披荆時已蕩然盡矣越數年其師某亦圓寂石松孑然無侶賸湖田兩畝荒園一角雖遇有年鉢孟常不滿猶自刻減以奉香火不募化不與人作佛事斂錢所與交無論貴賤但不可於意者一切閉拒終日枯坐二十餘年無少易余雅不喜與浮曷游而終不能不重石松蓋謂引之我法所稱砥節勵行安貧樂道者殆其人乎近別兩載常恐其向香積乞食矣客臘余歸自京師石松來視余袖兩券告曰飢難乞食東山寺僧今有得飯喫也兩施主功德不可忘乞居士施言永諸石展閱一爲學博田君飛龍所書與其兄紹祖弟鎮海捐田五畝一則貢生周君正萬節和彙弟捐田

瑞昌縣志

卷之二

建置寺觀

四十二

一畝六分余既喜石松有田更喜余之外有同余之重石松者爰爲之記曰此僧田也檀越不能奪此東山寺僧田也他處住持不能侵此周田兩家因石松而施之田異乎當日老僧自買之田也本寺僧亦不能粥後之僧其以石松爲宗也樂施者當踵兩家而至矣

佛泉寺

縣西七十里書堂山下宋慶歷間建雍正年僧慧燈法永重修泉峯環遶竹樹陰濃原名泉坑寺知

院陳于揆改今名因題其柱曰書院仙踪留墨瀋佛泉花雨挾龍飛

邑舉人聶師煥詩 佛泉古寺接仙峯竹影松陰路幾重灰冷丹爐明月照石留墨瀋白雲封讀書臺畔僧傳法放鶴岩邊虎聽鐘假令雙鳧今到此應將心性質黃龍

西山寺 持治 僧北 悟三 明十 建里 住

覺天寺 住治 持東 僧北 眾三 一十 建里 後泉寺 武治 八年 七建 里洪

利澤寺 分治 道北 光通 間江 武嶺 茭晉 保太 監元 生間 蔡建 錫有 疇地 施一 地頃 七七 畝十 五六 分畝 咸九

豐間 公上 捐兵 錢燬 壹同 百治 千七 年蔡 佛宅 像三

青雲寺 三城 架東 兩南 進里 許道 向西 向光 與己 塔丑 同年 建有 塔明 地年 招建 僧寺 管於 領塔 二前

十八 院九 帶年 管大 糧水 屬冲 清頹 雲其 寺田 戶地 完租 稞

### 計開田地

一 又王 田文 壹分 佃田 壹畝 八分 又田 壹畝 八分

一 又周 田興 四分 佃田 四分 又田 壹分 分

一 又周 田興 壹分 佃田 五分 又田 四分 分

一 又萬 田士 貳分 佃田 四分 又田 貳分 分

## 瑞昌縣志

### 卷之二

建置 寺置 觀

四十三

一 以聶 上志 坐心 落佃 土名 壹畝 三畝 四分 橋分

一 余何 揚家 賢壠 與田 四畝 三畝 僧分 共佃

一 一文 塔基 閣地 下壹 首片 地八 分

女仙寺 里治 遺西 址南 尚三 存十

## 南山寺

## 福堂寺

## 石仙寺

荆林寺 公治 置西 里李 家許 原名 瑞興 宮河 外水 立瑞 興潰 社乾 邑隆 六年 居 應 標 民

施羅 湖田 四畝 八分 兵燹 地三 畝七 分七 何鳳 寺前 梧邀 集興 合社

保斂 重修 費

邑庠張日昱詩 古社今猶在 荆林僧搆居 四華嵐氣

淨二瀼水流 徐塵慮忽然 洗曠懷恍若 舒禪房關地脈

祈報遍菑畲

邑監何柱詩 覽勝荆林寺新遷景象幽門開流水到  
山遠淡煙浮鳥噪禪心寂風清梵宇秋塵緣何自息鐘  
磬韻悠悠

四峯寺

在後海四峯聳列映帶清流  
宋元祐間建有田九畝三分

邑貢楊宜生詩 四峯窩裏鎖雲深莫遣雲飛嶺外尋

倚檻更宜諸品靜慧心何待雨花侵

邑進士程鵬里詩 古寺遙當面面峯門前惟有碧雲

封拂窗清影池邊竹繞屋濤聲徑外松秋月照林先客

到石泉通竈待僧供閒來欲領環中趣坐對寒山聽暮

鐘

淨明寺

在洪山宋淳熙間建後圯明永樂初重  
修正統間居民陳若永施田十八畝

瑞昌縣志

卷之二

建置寺觀

四十四

邑庠宋章甫詩 名山多半愛重遊况復高僧逝水流

閒步禪房增感慨舊交一一上心頭

九峯寺

治北燕山胡氏祖墓  
蘭也坪前舊志作菴

急溪寺

治山北麓急溪側明季兵燬同  
燕十年邑增生胡濟倡募重建

飛雲寺

治北白石巖下護均無敢賣有約為據  
場田地僧與眾姓領口眾姓公所其山

東巖寺

北山之巔明公歷 白林寺北山下張白楊林先  
間封胡二姓萬建 是張董章三姓共建

多福寺

界首保宋王梅朝王柯二姓遷建今址施有田地  
武界首保宋王梅朝王柯二姓遷建今址施有田地

宋王十朋詩

古刹名多福初來宿上方蜂窠懸板壁  
關帝咸豐八年張貞儉貞董章各分其神分祀張姓祀

燕壘毀空梁蝙蝠伏盈室塵埃堆滿床香燒數柱柏移

下小僧房 蜀道青天手可摩肩輿從此上危坡永城

朝過日方永多福夜眠僧不多岡畔泥深愁又雨渡頭  
舟小喜無波青山滿限生喬木只爲人稀少斧柯

普濟寺

宏下巢湖建自東晉元末兵燬明洪武間僧碧宏查

明國朝乾隆間僧盜賣經履畝並具議約上山

九坵計種壹石貳斗湖田貳坵地大小十二塊寺後山

計場壹畝幅六分共冊米貳斗壹升壹合五同治間新置田僧三名

普澤寺

建南同治十年僧能與重修

順治十年前殿圯修葺德

大安寺

荷塘廟後址久成莽墟

南禪寺

治北五里宋慶歷五年禎庚午邑貢潘震龍感夢

修葺有田四畝

瑞昌縣志

卷之二

建置寺觀

四十五

文德翼重興碑記 普遠法師棲止廬麓道風四播淄

白從之遊者林不能容環廬數百里間皆其弟子精舍

瑞昌南禪寺其一也寺久而廢殘僧守之崇禎庚午秋

泰和學博潘君震龍時尙爲諸生一夜夢僧募衣他日

適市遇南禪僧所化地藏王菩薩新鑄路立遂悟曰疇

昔之乞士得毋是乎乃重莊嚴之又慨然曰有像也無

以居之奚可於是盡發其家所藏不下五六百金構良

材特建巍然遂爲名招提且當啟棟呼祝蒼黃間家亟

報產一子於是環觀者皆合十讚歎曰是希有事菩薩

神通也迄今壬寅已三十有三年矣學博君久下世而

所產子亦類童烏其猶子道登向余泣曰先伯父雖未

免周顒之有妻亦近方王珣之捨宅敢假先生一文俾  
後世尙知先伯父姓名遠法師蓮社眷屬猶未散也余  
欣然許之爰同出邑北郭山迢遞而溪潺湲望小塔湧  
於古樹新篁之際者卽其所也僧破浪出迎具茗供坐  
談久之乃歸歸翌日憇潘子家齋頭念是寺之淨土可  
依而學博公之慧業難泯也於是乎記之且糸以詞  
詞曰廬山之下有聰明泉徧地轟出數百里間各立莖  
草分身現焉彼雁門僧又唱南禪瞬目視伊固不可詮  
載闢其室載開其宮繡葉於幢兩花於峯應夢尊者不  
言而通以無爲法作無爲功白蓮未隳如在林東試問  
瓣香大宗小宗

瑞昌縣志

卷之二

建置  
寺觀

四十六

文德翼詩 散懷通北郭揮手向南禪古樹荒山外晴  
花落澗邊鳥如因客喚僧卻爲雲還慧遠營別業知留  
幾處賢 村市居然遠烟嵐亦復空樹生殘塔上蘭種  
破盂中香水憐遲日秀峯想大雄若從廬頂望更是一  
枝宗

釋戒顯詩 最愛南禪靜傳聞創遠公烟塵山市隔鐘  
磬暮堂空古木浮雲外孤亭落照中醉心蓮社友燈火  
話無窮

張復熙詩 雲深山寺碧樹古客亭涼蓮社傳東晉宗  
風啟大唐井欄頽斷岼孤墻冷叢篁共憶南禪靜爐烟  
憇上方

開林寺 治南五里同治元

龍泉寺 治北茶田龍泉之左宏

金盆寺 之縣如南三十里寺前秦山巔淨因號金盆相傳秦時

有成池寺旁猶山中棺起穴存後遂

梵羅寺 下去懸古洞號曰芒泉明敞寬平可容數百人

文德翼募疏 佛周沙界那得無處稱尊僧占名山不妨有爲說法余開三徑世住九都面對梵羅儼生青髻之嶂頂成精舍時放白毫之光南過歷陵猶幸息肩有地北經灤水不歎濯足無泉地僻僧茶鑿頭過日年多老樹鏜腳連雲一二殘僧特發重新之誓往來善信同懷遷正之謀望淨土以西歸不宜他向景高山而仰止

瑞昌縣志 卷之二 建置觀 四十七

只在此中胎蓮客勿忘三車勤講大乘小品足穀翁須施十斛准知後果前因寺望雁門不遠高賢之社人思馬祖更通選佛之場生於斯長於斯施應歡喜橫亦得縱亦得徙莫躊躇靄靄川原自憐香火殷殷婣友相結石幡可不敦乎是所勉也

文德翼詩 山徑紅香積吹來十里衣猶驚春鳥在不見老僧歸臥榻苔痕盡荒窰竹籜稀石林尋舊隱何處望清暉 怪伴山僧結草菴北山不住住山南澗喧十里搖紅雨雲靜千峯護黑潭讀到浪沙卿自醉禪如玉板我來參孤燈未上鐘初歇正好支頤看夕嵐 細細沙痕石幾層山花老去子垂藤鑿頭凹處隨參佛癭頸

駝成雅號僧百鳥聲中千澗月萬雲堆裏一枝燈奚童也載揚雄酒試問鴟夷臥未曾

槩禪寺

縣西南十五里黃茅山寺依山麓棟壁牕櫺皆美石為之工巧百出晦山戒顯禪師宿寺中留詩壁

間舊名百禪晦師改訂今名

釋戒顯詩 寺隱黃茅麓誰知仄徑通足窮樵子宅心

喜梵王宮怪石雕鏤古奇文繒篆工夜深鐘磬寂兀坐

萬緣空

文德翼詩 古寺三年別荒山一徑通安禪依石榻題

字象瑤宮麥浪吹偏好花叢隱更工煮茶閒坐久心跡

覺雙空

白水寺

陡岡保明洪武間建宏治間修有田十一畝一分後圯廢僧默成率徒普節等植柏千株力墾原蕪

瑞昌縣志

卷之二

建置寺觀

四十八

田地山場新置寺前寺後山地併鄒家隴田地共米六

斗一升零又邑人李際春施田一畝七分嘉道間寺復凋零同治四年陡岡保人等倡首捐費重修不復招僧因改作白水書屋為保中社學

邑紳章國錄詩 巖攢怪石柏千章著力揮鋤不寸荒

泉注茶鎚雲未散但餘清味一林香

筋竹寺

筋竹保晉時創明宏治間修田地共三十五畝外有河洲下截十三畝界范田其上截蓄木界都天

廟首修後僧竝創有前後兩寺為讀書者所憩焉

邑貢何大良引 余性不佞佛然每見琳宮瑰麗未嘗

不心喜之蓋地有借而加靈景以殊而成勝倘大地山

河一望居民凌雜籬落雞棲屠門酒肆而別無所點綴

其間則山水亦應笑人固陋我瑞邑南隅有筋竹寺其

來舊矣當直省之孔道扼清湓之下流雖平原曠野無

奇峯峭壁佐其孤出無古柏蒼松發其森秀而面南山之悠悠俯西流之活活高人韻士時一登矚不必地偏亦自心遠余垂髫以前聞殿庭矗立法座莊嚴而後未免有廢興之感乙未之冬律師瑞甯乘遊衲天鼎挂錫卽以苦行發大願誓眾托鉢鳩工庀材不數月創前後兩殿儼然八柱凌雲頓令十方生色每以資力不繼未竟厥功柱下之櫺搭未施山門之基址徒闢夫寺之有山門猶人之有頭面也胸腹腰股宛具而頭面不見過者怪之此在緇流不能爲巧婦之炊而實使居士受守虜之誚茲瑞師更豎脊梁不憚拮据必欲宏飭殿宇特起山門使筋竹千年菁華重發充此志也微獨不墜高

## 瑞昌縣志

### 卷之二

建置寺觀

四十九

曾抑且厚貽鼎簞在瑞師戒行精嚴一切有爲無非佛事在我輩信心喜捨一切有爲無非勝事此所爲眞實受用不必計冥報因緣凡爲檀越作如是觀倒篋傾筐亦復何惜

禪嶺寺

縣西耳峯三眼禪師道場也久廢康熙初得行僧印文重建

文德翼序 余世居曰都源源之水西行行十五里乃折而復東灤溪源之山東行行未五里忽折而西攷而秀出者曰耳峯自耳峯迤邐而下十里復行十里而近又別爲一支曰烏岡山行十里二十里而近皆西乃折而或南或北糾亂繽紛不可繩準耳峯之間面勢烏岡者曰禪師之嶺父老傳言古有禪者三日坐峯上蛻去

峯下人神之聚而祠祀雨暘時應歲輒以雄雞置其上報之祠壇而不屋雞棲不去亦率無毒蟲鷲禽猛獸之傷宋元間峯下有菴依菴有泉旁蒔茶蔬間樹菽粟甲申乙酉之際遭世亂僧散菴毀己丑春山上鐘自鳴三日夜源之人俱聞之夏五月二僧自楚來丐居源人莫不曰鐘告之矣余曰嘻是豈豐山之和鳴者邪蓋黠者爲之不則物有馮焉父老皆曰公毋固吾儕之與二僧薙荆棘驅狐兔以適於茲也鐘臥土中草腹苔蘚蟻路蜂房縱橫其上藉之以茅濯之以泉發越故聲啞者方言公毋固余語塞乃召僧而告之曰都源瘠鄉也居士避地將六七年出無下澤之車入無旋馬之堂爾欲得

瑞昌縣志

卷之二

建置寺觀

五十

志於儉歲能乎二僧曰鐘聲之外則不敢知鐘聲之內山有木木施陶有瓦瓦施困有粟粟施身有筋力筋力施而居士能言言施五施具而菴且成余曰嘻居士卽能言恐不如鐘聲之鏗鞳而噌吰者之施遠也已菴成將磨石峯上與女記之

文行遠募化引 住山之僧以畜爲命出募之僧以狡爲方畜取豐己狡取悅人皆俗心未剗耳是不可以言僧邑之極西一菴有僧曰止水挾冊索序蝸涎未脫蠹老爲巢余諾而笑之曰是以兔園之遺編而欲爲鹿范之新軸乎是僧病不在畜己又一日余友五六人偕二季詣鄰菴見枝鹿一僧瞿瞿然立蒼頭曰彼固止水也

因趨而前向某揖曰此非靖廬居士乎曰否又向某揖曰此非靖廬居士乎曰否二季相笑始引識余余復笑曰使而狡不至此也夫外之羣智不動其中必有至定者矣外之羣欲不膠其中必有至澹者矣湛湛乎真正水也哉能以誠化己之狡不妄悅人以幻化人之畜不妄豐己其言可信其取不貪以是徧遊天下有爲必成况僅撐搯一泥瓦松棟之精舍哉頃午睡初足茶罷止涼亟書是說於冊而還之

烏竹寺

縣西南四十里宋慶歷間建元末紅巾賊亂烟戶逃竄明初招集遠人漸成村落野人伐薪叢薄中

良田寺

縣西南五十里宋淳熙間建明宣德間修有田十分畝僧西空續買民田八畝茶園四分

瑞昌縣志

卷之二

建置

五十一

國朝

康熙四十二年復買民田十八畝別建間林寺知縣金世福題曰法雨晴飛

靈隱寺

縣西五十里馬鞍山明經左尼之祖捐建

月居寺

縣南六十里明永樂十六年建康熙戊子年重修

邑庠鄒國序 月居寺者峩眉堡之古刹也縣南五十

餘里峯迴路轉鳥道而入絕遠塵氛晝引清風夜招明月皓潔晶湛依稀月窟之無塵也因以月居名之明永樂十六年建於木魚凸下不二百年而禪堂寂寞殿宇傾圮康熙戊子年本地士民矚僧募化遷其寺於半山不數月成三間兩柱二室四牖簡畧樸素以期不朽至今數十年完繕如故一日余偕諸友憩息其中茗椀方罷遊興頓生散步門外觀夫烟雲杳靄嵐氣薰蒸其山

後之功德山乎山之坦夷烟籠者爲香爐坪山之秀拔  
排列者爲峩眉嶺他如黃連橋金盆架石虎岩燕山谷  
長岡坪烏沙嶺或斷或連或起或伏逶迤綿邈參差錯  
落氣象萬千俱可於月居寺一覽得之余故乘遊寺之  
興而騁懷於寺外之觀也

上泉寺

縣西四十里宋乾德間建明成化年重修得國朝乾隆十四年僧上方重修寺以清泉瑩激得名溪橋綠映岩石雲封有小石洞清幽可賞知縣江皋題曰雪竇雲根寺有田九畝五分

明郡守陳霞綱詩 四望盡峯巒松杉碧漢攢俯池荷  
數點眺野竹千竿山古林塘小心閒地步寬更尋幽隱  
處便可挂塵冠

邑令金世福詩 丹崖羅立動吟魂蘿徑迂迴試一捫

瑞昌縣志

卷之二

建置寺觀

五十二

遠水雨餘噴雪竇蒼松歲久裂雲根高低人度山邊陌  
濃淡烟分原上村昔日江公曾令此題名惠愛至今傳

赤顏寺

顏舊作巖今更正治南百里宋乾德四年僧惠燈開山元季兵燹寺廢明洪武年天池寺僧性真重

建宏治間修有田十一畝

明進士黃圖記 瑞昌舊載東吳都督周瑜裨將程普  
奉令拒曹經是地見赤烏千餘飛集軍中羽檄奏祥計  
用火攻宛舍帥指捷後遂名爲赤烏鎮南唐陞爲瑞昌  
縣宋因之元改爲江州路我太祖龍飛洪武崛起路更  
爲府鎮仍更縣治西百里王仙鄉有赤顏山盤旋深遠  
其來有自傳爲神農兩師赤松子嘗遊此愛其山水幽  
雅煉丹此地至今石池存焉赤松去後鄉坊苦旱人因

其跡懇切祈求大獲甘霖其山有泉名曰惠澤泉底脈絡與玉華洞相通有龍潛伏其中禱之輒應宋乾德四年僧惠燈開山立寺宋末院宇佛像湮沒荆棘歲旱百禱不應偶遇雨師向泉虔禱甘澤隨佈遠近感發換舊增新至元末遭僞諒割據江州四境蹂躪僧民逃竄竟無甯日明興以來賦勦民安鄉民戀舊巢而歸故淵者均以山有仙跡靈驗可興而不可廢因迎廬山天池寺僧性眞住持遂展原基修慈容昭著森羅成化九年性眞入寂安厝本山其徒元經甘淡泊守清規承繼祖風積累衣鉢置田飯僧殿宇山門鼎新重整是元經固大有造於梵教也余與天池諸僧舊有社約而性眞卻以

瑞昌縣志

卷之二

建置寺觀

五十三

此山爲淨土彼其幻身今已脫矣其徒賫書遠來乞言以銘其塏余聞僧有德行如此四遠稱譽宜勒於石以爲後僧龜鑑令少憇焉疾書是說以答之

蘆泉寺

治西南八都坂

寶林寺

治西高豐坂宋天聖間建有田二畝五分殘僧返俗贖古鐘廢磬倒仆荆榛後僧修一樸實苦行復

爲修葺

水陸寺

治西水陸保鋪頭

拔貢周德記 水陸古刹肇自唐宋更歷元明原建水陸坂其遷立於茲也不知創始何年開山何衲大抵起衰舉廢而崛然中興者其僧福海乎福海邑魏姓子生於正德沒於萬歷幼落髮於此其師成寶其徒法顯寺

後碑塔朗然惜海師傳燈迄於勝國改步兵馬荒亂僧俗竄逃杳無稽考我朝定鼎順治康熙間田遭沙水衝壓糧逋眾姓剝賠屋幾椽崩棟折寺之不銷蹤滅跡而化爲荒烟蔓草也幾希眾因急求住持不暇擇僧臧否今逆計百年內隻力相承曰海宇曰其生曰文惠皆非離垢忍辱而懵然律戒者且不任力作泡影幻寄去住靡常雍正丙午眾念歷朝寶坊彫敝已極田業久荒國賦難追非法力龍象德智勝行之僧孰堪其任乃敦請白水寺古德默成大師法徒越浪偕其孫西演芳燄而卓錫於茲焉蘭若依舊牖戶重新亦佛祖之靈禪門之慶也浪師圓寂僧演西歸芳燄老而願力彌宏率姪

瑞昌縣志

卷之二

建置寺觀

五十四

孫隱空等守創經營功行益著寺原福海一戶載米一石三斗有零歲丙子偶因虞芮之爭據有明戶冊載水陸坂福海僧田若干趙璧復還雖歷久兵燬契券無存履畝會計與戶糧適協鑿鑿確憑燄合掌禮眾曰是非無稽可信今而傳後也必乞於某以勒諸珉僉曰唯僧隨捐資礮石余爲略陳巔末將本寺田地山塘界址踏明而鐫於石以昭永久將來宗風丕振寢熾昌祇園日闢接眾開堂居然一大叢林也燄上人功德不於福海師而有光乎

石壁寺

洪一鄉石壁坂

北嶺寺

治西百十里國初建

瑞興寺

治西八十里武舉但士英合族及四姓人捐建

劉城寺

治西國朝百十里明永樂間建宏治間修

大古寺

縣西肇陳上首紫溪坂明隆萬時鐘另立古墩姓

於右此寺咸豐間兵燬同治間國學黃鳴九首勸捐金重建

邑巡檢王朝雍記

瑞昌城西道路峯蟠嶺鬱知攀太

白如陟峩眉蓋萬匝重圍障遠天矣百里餘抵洪二界

有太古寺焉其寺建於巨石綿亘平正高不過尋廣袤

約畝許古刹三間峙如捍門寺後有泉其狀如渦渟泓

秀徹不竭不溢殆天造地設以供生人之汲取者也夫

怪石靈泉所在多有要不若此寺之特異是豈檀越所

能捐苦行頭陀所能募而剏蓋自有是石又得是寺以

標其勝謂無懷氏之遺蹟可謂葛天氏之遺蹟可即謂

瑞昌縣志

卷之二

建置寺觀

五十五

與元會運世上下古今於弗替無不可余嘉其景之特而命名之永也故記之

北臺寺

洪二鄉張坊水口明嘉靖間建後有泉清澈可愛

咸豐甲寅兵燬同治年重建遠不逮昔矣

住持僧定錫詩 苦行深山不計年幾莖白髮亂垂肩

本來面目知難見且聽巖頭瀑布泉

石門寺

治西洪上一鄉國初談廣

崇正寺

治西崇正保明洪武間徐地無幾慶間募十修歷

久前中招二進廣禪募費丑郡修增田徐若千畝

甘露寺

洪一鄉夏霧嶺明時曹

周仙寺

洪下筭坑泉側

橫嶺寺治西僧募遷里建明咸豐建癸丑國朝道光

白藤尖寺柯姓落源雍正寺中間陳井大捐旱不同乾治九年南溢莊

茶園尖寺治西初西眾百姓二合十建里

長興寺治西募遷大二泥十坑里灣明之時半建於猪頭山國初址並持置僧田碧

十餘畝

朝天寺一曲名地覆盆元尖天一名椅卜同治壬戌張禮二茂楊後裔同九田十

柯坂柏姓重樹建下

田家寺王仙牛軍頭箸泉保

上泉寺近大白湖保泉寺

青塘寺近南灣妹保泉寺

小泉寺王仙洞新有義小保泉洞有大

普正寺馬鞍保

康仙寺在峯尖茗

關帝廟一山在中祝古蹟靈壇秩甚南顯之道山光二有十一徑年南北等往建廟通

### 瑞昌縣志

### 卷之二

建寺置觀

五十六

祀之光一申在新建西與前三山古蹟樂神山壇互映一張在廷下植南洪裔施

保華林岡一

儒林廟乾隆間陳名儒溫林三咸姓豐公二建年塑有三重位修學

鐵丫廟下南坎田康熙初劉姓陳新建祀重漢修樊更武各萬侯福菴嘉廟

慶間廟圮址存築石

大王廟乾隆西五十四年十五里保一重石修壁公庠所生馮桂四十里一

荷塘廟治北遊今憩一於此漢後張人留侯從祀赤松

西隴廟治西里南

天仙廟

但公廟

太子廟治西上南三大廟俱在

龍王廟治西原南塑四里白巖北禱有雨石應山嘴光形如闔龜地上

公建鳳立尖上期鄉會人以奉祀龍王一祈在雨輒西應

康仙廟

筋竹保舊址在西興灣塔下今遷蔡氏宗祠左里人奉祀不衰

五顯廟

一名大覺寺縣西二十五里烏石保金仙洞山腳下

忠勇廟

治北韓市嶺下舊載白楊廟

明邑令劉仁宅序

忠勇廟祀宋忠勇侯趙公孟熒與

其子世顯廟始於宋舊有碑在廟門元末兵燬殘碑墮草莽間文尙可識據碑刻孟熒之先居隆興宋之宗室也有文武才咸淳二年以翊戴王國功進授行軍總管慨宋祚日衰奮身征討與蘇文義陸秀夫文天祥張世傑等慷慨悲泣期以一旅匡復宗社成中興之業共謀立端宗卽位於福州景炎元年秋七月分兵復州郡是時贛寇猖獗公將一軍趨贛以取甯都後還江州欲再取武昌諸郡道由瑞昌東北二十里與其子世顯俱爲元兵追襲乾湖人馬盡斃鄉人義之收公葬焉後人因名其地爲殺馬坑事聞丞相天祥嘆曰失此良將天不祚宋可知矣請追贈公爲忠勇侯立廟於韓市嶺下祀之元至正壬戌秋七月魯鄉展成平侯按述其事鐫於石迄我國家崇祀典表古今忠烈而趙公不載瑞之祀非功烈不可尙以公死節於深山窮谷中歷年旣久而遂隱實節於不聞也正統壬午歲予宰是邑值旱歉鄉士民祈禱於公祠甘雨澍應因重修葺舊宇予爲述舊碑重紀公行以慰士民之請立石表公節義後之觀風者采而錄之使公得次名於文陸諸公之後是亦秉

瑞昌縣志

卷之二

建置寺觀

五十七

彝好德之同然也於是乎書

邑庠王鼎銘詩 國破君亡事已艱將軍髮指響刀口

難甘宋世爲元世肯讓文山與疊山義憤一朝捐骨月

忠風千載起愚頑子昂不爲榮華誤今日何妨列座閒

關帝廟

肇城巡檢廉廡右明崇禎間湖廣武昌府緝捕同知

立冊戶曰夏廿五年巡檢王朝雍增修十九年捐建戲臺

唐公廟

八治西里百嶺十里

儒林廟

治西洪山口明末傾圮

石蓮庵

治北五里爲子建施田地巖秀二畝素菴曾說法

於此後僧洪範復募其家重修

邑庠曹加曙詩 何處尋秋色石蓮有好山嵐輕紅樹

瑞昌縣志

卷之二

建置寺觀

五十八

滿峯靜白雲閒烹茗僧留話探奇客懶還瓣香真性有

何必出塵寰

觀音菴

北縣治

白雲庵

北縣五里

廣雲菴

治東北二路十八里西隴大路側

龍泉菴

治北王錫岫

地藏庵

治西小

萬壽庵

治東十里安城橋

皈靜菴

治北三姑臺一右各

盤龍菴

仙姑臺

萬佛菴

治北四帶二里去溫泉里

常樂菴

治北四十里背山面江木魚山爲子僧國初僧佛

寶榮菴

在武成豐乙卯年兵燬僅存後殿三間

潘道登疏 邑之北有湖濱湖而菴者曰寶榮舊誌也

不知始於何代甲申乙酉之際四郊多壘僧悉散去無

復存者菴亦□於藁莽矣越歲庚子有楚上人禪心托鉢此林若有冥契因廣拓厥基結廬數椽似已侈前人而大後觀矣亡何師化去法堂前有草深一丈之譏今年余過湖上問所謂寶榮菴者而得明極師明極者禪心上人高足也與余茶話移日慨念開山有奮圖恢復之意持一冊乞余疏余蓋嘗覽洛陽伽藍記每歎南朝四百八十寺傳至今日尙有一二存焉者乎朝爲金碧暮爲黃土雖謂空王忘情詎無像教廢興之感或者豈梵刹亦厄運數卽佛亦難強持乎今易代改元變革遷移不知凡幾明極以孱然窮衲一旦欲起而復之眾訝其難余則勉而進之因爲之說曰募者爲願施者爲緣願有待則難緣無方亦易以願聽緣以緣湊願苟能開大歡喜之願終當獲不退轉之緣是奄成行將見水光樹影之中殿角虛明軒窗幽潔晏坐月叢香風時來此景有不欣焉者乎至於納僧海粟納佛河沙納世界三千納獅子座百千萬億無弗可也而皆後也余且納諸檀信於寶榮一片之中

瑞昌縣志

卷之二

建置  
寺觀

五十九

雙泉菴

治西二十里大灤坂宋慶厯間建明永樂十四年修坐覓雙泉如乞潼乳暑天晞髮徧地清涼矣

石蓮菴

治西九十里飛鳳

大峯菴

治西十里

指月菴

治西二里

石仙菴

治西沙

九峯菴

治西三姓山嶺下有荒地與曾南二姓山嶺今廢址存

蓮花菴

治西十里

周行樵詩 懸岩勝似運風景四時鮮峯插烟雲外澗

穿佛座前風塵浮古剎松竹滿山巔倘入濂溪目應歎

別有天 幕山菴 治西十五里道光間道人易理容募建左立萬壽官前甃有井水可愈疾

西來菴 治山西洪一鄉環菴四圍國朝下曹重修皆山明時曹三山建

清淨菴 治西洪二水墩山明僧貞朗建乙亥歲住持僧募年萍衲僧覺性募修增建左移乙亥歲住持僧募

葺咸豐間萍衲僧復募修今不古若

邑進士柯光蔚募修序 己巳春光蔚官臨武檢點郵

傳得清淨住持僧見善手札急啟之數語寒暄外則問

佛之來中土也相果繪於夢乎步果借以風乎東西風

之吹金而水火不能損乎其莊嚴也有儀可象拓拔氏

果任意為之乎抑冥冥中若或使之乎頭陀錄云悟得

瑞昌縣志 卷之二 建置 寺觀 六十

西來意男女也而螻蟻之是人世之囂塵不即禪家之

清淨乎又空門中有實理現自在法身充滿大千世界

其相空之謂乎大地無殿宇極無形之壯麗彼梁代捐

金梵剎不轉為多事乎况聞上仙入元醒夢中夢下仙

導窆修身外身二者各持解脫法或可同超於上乘乎

何為菩非普乎何為薩非濟乎普濟而身不自修反假

手於人乎前有因乎後有果乎聖人神道設教義固不

取此而意或可通於此乎願居士大其聲以偈之余閱

札言幾數通知見善之將有所為也且嘉其為之之意

較世俗淄流之談因緣說果報者又若別吼一獅因憶

曩與見善交時厲廉隅時不衫履沕沕焉有禪外之禪

故於挂錫處隨喜盤桓數不勝計其妙範之端嚴禪房之幽邃及遠邇芳隣之好善樂施皆余所熟於耳而習於目者行見爲無弗成矣適以鞅掌王事不獲竭綿薄以贊成爰逆探來意而序述之他日功成鐫石俾得附名於諸君子後如林和靖之補楞嚴經徒勸他人施捨焉又安見菩薩之不心焉許我也哉

迴龍菴

洪一在治北馬頭江濱一在治西柯源半山一在

淨石菴

招在梵羅山舊淨石蔡姓地以糧累拋文師大爲之恆

福興菴

修王正仙殿另明前樓安祀周乾公胡僧二法永募

屏峯菴

有治斜山六十計里五丈德以八年爲路環菴

湧蓮菴

年迪居畚舊重修六規安模寺式同廓治五

瑞昌縣志

卷之二

建置

六十一

觀音菴

保陞岡

高家菴

二治西里南

如來菴

十治西里南

金龍菴

康仙奄

雞即普右化近古咸豐在戊午山年保舊菴係在六甲公所初遷建地

數畝週圍

二峰菴

三治西里南

昇龍觀

縣南半里相傳楹龍飛戲湖初邑令昇龍所由名也

廷僧本祥住持奉祀真武灌所以觀稱從其朔也舊畝有田

分又置二分畝康熙五創九年稟縣清明查萬願出東頭觀坂上基

田二畝六年分捺換合前文維水章范仲參所施年租募有修加矣

石山觀

縣西十里斗里傳爲女真修道處觀後三石鼎峙於上嘗

顏曰問石匪有詩記觀山初道爲人民方侵至江募修之按九衛何

興豐間逆屯田

三九倪勝分田

潘道登疏 邑治西十里許渡亭橋而上平疇曠野去山之南北者度可五六里而盡其最高而橫絕北山者有洞舊名不雅馴余更曰雲髻自雲髻而西曰金仙洞隔金仙一水曰王喬洞或曰卽子喬飛鳥處也溯流而東是爲石山石峻拔如三山有洞盤踞谿上篠谷間之大約雲髻高敞金仙亭闊王喬幽紆石山清削皆可伯仲相較然越在山中士大夫未嘗有過而問焉者余避亂山居徘徊此間因而結廬棲止其下蓋十年矣有樸素上人過石山若有宿慧曰吾骨人得骨山可以休矣遂遊止焉樸素與余及吳子公從熊子繹生友善二子讀書其上余數訪之樸素時從余與二子盤石跨澗指

瑞昌縣志

卷之二

建置寺觀

六十二

點四澗山色一日私與余曰茲山之右去古殿百步大石飛橫蒼壑壁立岩下赤面縱掃谿光澄澈欲結茅三楹息心趺坐以領其勝居士爲我畫之嗟乎余自十年來竹瘦梅寒楓清松冷欲以一瓦一石潤茲邱壑其可得耶樸素曰毋然畢山叟樂屋於匡山之石門眉道人扼樓於洞庭之兩山惟不惜布廣長舌耳幸貽以言得聚毛成裘庶吾竹籬石堵不日以成相茲山者別開生面則十年來搜奇領勝之功詎無有傳於異日者乎余因走筆敘之會吳子熊子適來二子皆曰善

廣福玉降觀

縣西十里

玉華觀

縣北十五里白楊坂今廢

三官殿

治兆黃沙

玉清觀唐縣建西有四十里南 圯廢已久無從稽考

三聖殿治西洪下一皂 仙官殿嶺下南水

竺仙殿治西柯源竺山女呼下萬地牆外有茂樹掩映天

門爐香畫夜不絕火燄灼於

尚書殿治西沙周保匡公壯坂 梅仙殿在湧泉此祈雨輒應

七郎殿洪二黃柯廷賢等八郎人首建咸

何老殿治西首白石岩名何姓眾

邑庠柯江詩 倦隱歸來寄武陵時攜藜杖曲欄憑無

田幸少催租吏有酒時來覓醉僧濁水一灣閒濯足黃

庭兩卷夜挑燈漁人認作逃秦者問著山翁笑不磨

鄭公殿治西咸嶺寺住持殿前有建施

瑞昌縣志 卷之二 建寺置觀 六十三

柏木殿仔南壠田業歸人殿內葱 梅山殿永慶堡李人殿內柏

相公祠保治北地二十五里公建坑

夏公祠肇陳司署治八年重初修妥祀夏公遺像

大士閣治北灣

望仙臺治西六後十五里去舊今祈有異人應曾修

益子堂洪山

遊覽場原名祝仙寺治西八門鼓鳴山舊

梅娘壇八都坂何昔李妖姓曰有一乃道梅花驅小娘道士曰安置爾

於屋側以受香火壇不

散神灣胡神置山水李九判公之先李公一案後而欲上胡之眾順流焉而計下將

名故

育嬰堂

教諭署後一治北武舒綸暨合族一同建八年奉

撫憲劉頌發六文會保嬰章程八條瑞昌現在舉行

養濟院

東山寺左成化間僉事錢公山立知縣福以劉

變價為曹署著芮登樞兄弟上價四兩又增銀六兩置寺後曹姓基地創建收養額內孤貧二十名每名支

給口糧冬布銀三兩六錢

普濟堂

瓦屋三間乾隆十八年二月止收養無告貧民不

拘籍貫額數每名日給米七合鹽菜錢五文官民捐給

邑貢戴學溇記

普濟堂者何蓋憐饑寒無倚之民居

其地而授以食歲十一月招之入次春二月出焉其自

他邑至者亦得邀同仁之視入則與食去則給資澤至

渥也制肇自雍正二年凡州牧縣令倡先勸地方有力

瑞昌縣志

卷之二

建置寺觀

六十四

之家隨意捐輸以俾窮民得所棲託瑞邑向屬缺如乾

隆十八年六月邑令蔣公適來百廢俱興念及此而不

禁惻然曰

朝廷有德意而下不實受其澤非有司之咎哉爰捐俸以

倡於養濟院左創屋三間儲穀粟以實其內嗣是富厚

者爭先飲助饑寒無倚之民先後入焉公時至省所分

給而男女老弱莫不各以為安或謂賑恤孤貧既有養

濟院以處之又焉用此堂為余曰不然撫民者愛民之

心與養民之政原百加而無已今我公蒞治一隅殷殷

撫字於疲癯殘疾者有養濟復於饑寒無倚者有普濟

要皆本無己之心而行無己之政以上副

聖天子使司民牧之意爾已况就養濟院論花布口糧猶以數限茲不惟不限於數且有波及他邑之義固明以無分民者通其意於常制外而因以補養濟所不逮名之曰普意在斯乎是我公始爲此後之人誠踵而修之想所全活未可以涯涘孰非公畱心實政竭力奉行者之所遺耶惡可以不記

漏澤園

北關外一李家隴口一康熙間知縣金世福捐俸置

邑舉人潘曙登記 義塚之設功大義漿蓋義漿祇以利行人而義塚則所以藏百骨也省會州郡在在有之而灤邑獨無致使貧賤遺骸他鄉旅骨魂啼夜月莫爲掩埋此仁人君子所痛心也夫人臣膺百里之任勢可

瑞昌縣志

卷之二

建置寺觀

六十五

爲而不爲固無足道也可緩爲而若不欲緩者爲之而心安焉且爲之計久遠豈視官舍如傳舍可同日語與斯真仁人君子之用心矣邑侯金公以長白山望族洩任八載其於農田水利建學課士增埤賑荒一切實政皆以至誠處之雖史所載卓魯龔黃不是過也又於邑治之東李家壠口以直易地六畝三分創置義塚揜孤貧旅櫬之骨復買民田五畝二分付佃人看守客塚完糧自食不計租石使其有所資也又易中田三分建屋以安婦子公計亦何周也植柳爲界不封不樹牛羊無令踐踏采樵不及壠上泉下人庶得所依歸已嗟乎衰草離離露冷風淒有生有死其奚云悲堯夫麥舟之贈

僅及曼卿之三喪孰若公之德廣仁溥利濟於無窮耶  
往昔邑治之北曙祖買賓丫壠地十餘畝任人葬埋亦  
義塚之意耳封壤猶在地方便之事在隆萬間百餘年  
矣今東城復建是舉若曠世而相符詩曰樂只君子民  
之父母其我公之謂歟

義塚

西關外一鄉耆潘克唯施感一異夢生子震龍官泰和  
訓導子孫蕃盛治北武茭保生蔡啟賢施地一  
畝其曾孫例貢增一瀝施地五  
分馬頭獅子山尾一瀝封姓施

郵亭附

皇華亭

即接官廳舊在東關  
外紫峯書院側址存

石涼亭

一在夏霧嶺之陽道光庚子年洪丁未年職啟善恭  
同在捐建霧嶺在夏霧嶺光陰道光一未年職啟善恭  
眾在捐建霧嶺在夏霧嶺光陰道光一未年職啟善恭

善啟  
捐修

瑞昌縣志

卷之二

建置  
寺觀

六十六

遵囑亭

洪下橫嶺山縣巨數里濯光蔚無陰憇處道光甲申  
歲洪二附貢柯菁華遵父濯光蔚無陰憇處道光甲申  
曰遵  
囑亭

曹冲亭

洪立一喜鄉嘉慶二十二年  
曹立一喜鄉嘉慶二十二年

施茶亭

治西橫嶺山肇陳孔道十餘里無村居行人歛恆息困  
於渴同治間眾姓捐費立會寺側建亭接年歛恆息困  
施茶

大德亭

治其西地曰老涼亭嘉慶十七年之嶺歷久傾廢今猶  
名其地曰老涼亭嘉慶十七年之嶺歷久傾廢今猶  
建於山之陽為路通吳楚餘邑增一赤題是接年重采  
藥歸吳北曰墟望楚餘費設會一嗣是接年重采

大路皆職員徐鳳藻耆力士  
徐侶唐等倡捐首董之力

黃砂亭

治西洪增二黃砂嶺乾隆間  
柯增西洪增二黃砂嶺乾隆間

義路亭

治南峩眉保乾  
隆二南峩眉保乾

蘇亭

縣西北有十五里崇禎壬午雙以喬陳文林過軒此以八角由週  
迄明代有十五里崇禎壬午雙以喬陳文林過軒此以八角由週

圍磚焉七年國朝乾隆間金雞鋪徐聖基砌厥石堅倍從  
前同治七年徐崑山遵母氏王節母命捐葺亭之西山  
徑犖确上下維艱附近農民宋章準平險以石行者德  
之并捐松山下二段在路西偏廣袤丈尺詳載碑陰爲日  
後修路之費

邑舉人陳素修記 宋元豐中蘇東坡左遷黃州取道  
所經覽其峰巒聳秀怪石玲瓏泉聲潺潺自兩崖瀉出  
留意不忍卽去遂手書元豐數字于石灑墨于竹續有  
墨瀋之遺後人因構亭其上名曰蘇亭誌不忘也明相  
國賀公對揚過此亦復紀石賦詩繼東坡以不朽焉然  
地當山麓興廢不常前此之亭爲風雨淋漓漸就頽塌  
古蹟湮然徐君大紳好義人也爰捐貲而整葺之以爲  
瓦則易解木則易蠹亦惟石構可久于是伐巨石以爲  
基琢其扁者爲壁圓者爲蓋庶堅厚其無敗亭成屬余  
爲記余謂長公邂逅千載一瞬耳而墨竹餘蹟長與右  
軍墨池相輝映則是文人學士筆墨之靈誠足以垂不  
朽于亭之以石何關哉或曰元豐數字至今一片石也  
石以坡傳坡亦以石傳矣徐君之新茲亭宜其有取于  
石又何可以不記

半山亭

橫立山上距下曹里許近地居楓樹下里許石磴嶙  
嶒西北往來苦無憇息近地居民建亭於此行者

賴焉

憇旅亭

洪一年鄉乾隆五年  
十一年王殿元建

黃砂嶺南亭

治十四年洪職二鄉柯克之眾倡修  
治西年職二鄉柯克之眾倡修

宗祠

舊詳雜  
記今附

瑞昌縣志

卷之二

建置  
亭

六十七

蔣志曰宗子之法周禮最重宗祠之建世教攸關  
然狄青不附仁傑而崇韜乃拜汾陽前代得失非  
卽後人炯鑒與

周氏宗祠縣治東北祀唐尚書

曾氏宗祠明縣永樂間曾十姓公東建祀坂

王氏宗祠縣石西頭十五

范氏宗祠縣西祀南范文正公筋竹

李氏宗祠曰縣唐鬱林祠額

何氏宗祠族縣公西建四祀十宋里金株紫林光街祿乾夫十八年眾

聶氏宗祠七縣族西南建七祀十唐里司聶空廷巷玉熙間

柯氏宗祠公縣又西九房公里建柯於落天源墳土上輝首祀創明祀初唐南舜公昶

瑞昌縣志 卷之二 宗祠 六十八

鄒氏宗祠祀縣正西考六甫十次里鄒宣姓靖公建

黃氏宗祠建縣祀西宋洪進二士鄉鑑黃公姓公

易氏宗祠十縣八西庄南公九建十祀里魏梅大山夫背名愷姓

章氏宗祠傳縣子西鈞南公九宋十追里封瑯琊王章姓十案公建祀唐太

但氏宗祠公縣建西祀南漢九濟十陰里梅山瑯琊但姓

陳氏宗祠祀治北唐著三作十郎伯雙宣橋公前宋明分創建萬國福朝莊居建昌之修

陳橋復徙今豐城老塘公承成

徐氏宗祠治西木水洪火下四鄉分清潭建宋於時雙路於口徐上首因名兵燬後

曰徐家祠士祀應凱公孺

張氏宗祠

楊氏宗祠

潘氏宗祠 平治西 王祀公 宋晉

田氏宗祠 里縣西 祀泰七 琳公五

曹氏宗祠 章縣西 梅林莊 一唐進 雙士溪 洪都國 太守族 眾宋公 始建遷 祀始籍 雙豫

溪汝 惟公

曹氏宗祠 子縣西 仲奇洪 由一田 大坂塊 分地居 明大曹 地宗後 俊裔長 蕃子衍 永乾隆 壬子五

建祠 之祠

王氏宗祠 昆縣西 洪一三人 蚊散溪 居大吳 王楚殿 後裔祀 蕃五代 哲士君 津公

王氏宗祠 嶺國初 王延超 辰由德 安九井 祠始遷 之治北 羅城坂 卓

封氏宗祠 元治北 蕪春濱 知江馬 恆頭前 公明建 籍河國 南朝開 封熙初 因重新 籍祀

蕪州一 生傳季 子遷居 馬頭貢 長卿公

陳氏宗祠 授治北 馬頭水 莊十嶺 一始傳 祖永刑 道部尚 居書宗 遷地公 隆由義 十門八 分

瑞昌縣志

卷之二

建宗祠

六十九

年創祠 嘉慶十 月遷九 日祭規 模宏

朱氏宗祠 都治北 督進四 公十咸 里朱庚 湖申村 年雍正 年間建 祀先賢 文公

文氏支祠 支治南 祖同九 治都五 原年重 樓下江 蘇布政 使文柱 建祀本

李氏宗祠 莊西關 同建外 祀四軒 公八

馮氏宗祠 村治西 焚毀四 後十數 年洪重 下建鄉 祀株林 莊咸豐 四年髮 逆入

蔡氏宗祠 尺北關 內毀後 數年洪 重下建 鄉祀株 林莊咸 豐四年 髮逆入

祖富公 祠後有 朱南氏 墓每歲 春秋之 妻安榮 公之母 碑存

周氏宗祠 豐治北 年十間 新五建 里黃南 橋坂咸 公

談氏宗祠 祀治西 唐四百 門二博 士里宏 談謨公 建

胡氏宗祠 覲治北 光燕山 胡

華氏宗祠 金治西 紫光洪 祿一大 鄉夫石 温橋琦 熙年間 建祀唐 勅封銀 青

五友祠

在縣署西後共八間祠內祀歲貢周鴻彬邑庠但恭楷熊殿鰲李嶽曹霖化五公同治九年邑庠但

賡歲貢李騰靖監生熊來儀周才輔曹懋功同建先是道光二十九年李省齋有序

邑庠李嶽序 易曰同心之言臭如蘭蘭之藉以譜朋

友者蓋亦久矣予性不苟同然得一益友又不啻入芝蘭之室而劫佩不忘如周君猗園熊君亦峯但君式亭曹君心齋固予所謂益友而同心者也總角時托在比鄰日相親炙及長聯文會每課無不至至則謁 文昌帝君講文藝脫粟具飯竟夕談心臭味之同真蘭若也今已七十餘年矣諸君相繼而逝而子若孫輩猶能敬承先志以勸此舉少長之集亦不減於蘭亭此熊君曾有建立文會祠重修蘭譜之議也議未成而熊君又棄

瑞昌縣志

卷之二

建置五友祠

七十

世焉其存焉者惟余一人耳嗟夫光陰過客為歡幾何覩物興懷能無寄托蘭譜之修予勉成之文會祠之建俟爾後人非侈交遊誇勝會也夫亦寄結契於深山幽谷之中而以朝襲其馨暮擷其英者驗臭味於蘭同耳若夫名譜蘭臺作王者香成竟體芳是在爾後輩蘭子蘭孫者是望予已老矣予惟傷懷故友勗爾後人俾後之覽斯譜者克篤前盟共敦世好而始終無間於易之所云同心焉耳

徐氏宗祠

何氏宗祠

文氏宗祠

周氏宗祠

宋縣西南九十里  
理學濂溪公

梅山背周姓七支合族公建祀

氏族

舊詳雜  
記今附

蔣志曰瑞昌氏族舊志未載巨閥寒峻無從識別  
今為審其族巨人夥者為之冠餘以次書

周 李 陳 王 柯 徐 田 余 文 黃 曹

潘 程 張 孫 何 熊 夏 楊 戴 聶 董

易 鄧 鄒 吳 章 胡 丁 范 左 萬 蔡

馮 豐 馬 蕭 汪 袁 薛 樂 郭 魏 許

郎 談 沙 童 凌 溫 居 朱 劉 葉 尹

曾 喻 向 甯 伍 鍾 顧 游 艾 雷 黎

倪 呂 閔 詹 沈 金 陶 江 謝 廖 蘇

瑞昌縣志

卷之二

建置  
氏族

七十一

彭 方 孔 羅 蔣 郝 傅 姚 宋 梁 高

盧 龔 嚴 趙 封 莫 厲 勞 侯 林 湯

畢 富 葛 魯 鄭 華 唐 費 齊 毛 項

祝 梅 樊 段 漆 幸 甘 芮 柴 桂 安

杜 羊 涂 產 但 鄆 姜 翟 貢 翁 阮

歐陽